



Broj: 02-04-2-2046/24
Maglaj, 31.12.2024. godine

ZAPISNIK

sa 2. redovne sjednice Općinskog vijeća Maglaj
održane dana 30.12.2024. godine u 16:00 sati u Sali Općinskog vijeća
JU Dom kulture «Edhem Mulabdić» Maglaj

Predsjedavajuća Aida Bašić: Na osnovu člana 59. Poslovnika o radu Općinskog vijeća Maglaj, zaključaka Kolegija od 23.12.2024. godine, otvaram 2. redovnu sjednicu Općinskog vijeća Maglaj. Na današnju sjednicu pozvani su vijećnici iz parlamentarnih političkih stranaka: SDP, SDA, DF, SNAGA NARODA, PDA, BH ZELENI i NAPRIJED BH. Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona.

Sve vas selamim i pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata. Molim predstavnicu Službe Općinskog načelnika i Općinskog vijeća da prozivkom vijećnika utvrdimo broj vijećnika na 2. redovnoj sjednici Općinskog vijeća Maglaj. Današnjoj sjednici Općinskog vijeća prisustvuju 25 vijećnika. Konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj. Na današnjoj sjednici izvršit ćemo i verifikaciju zapisnika sa 1. redovne sjednice Općinskog vijeća, ima li primjedbi? Nema, ko je za verifikaciju? Ukoliko nema primjedbi zapisnik savljam na verifikaciju, ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Damir Bašić, Firuz Galijašević, Jasmin Đuhara, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Nema.

Konstatujem da smo jednoglasno verifikovali zapisnik sa 1. redovne sjednice Općinskog vijeća Maglaj. Prije nego otvorim raspravu po pitanju Dnevnog reda, pozivam članove Kolegija na kratki sastanak Kolegija. Evo nakon kratke sjednice Kolegija nastavljam dalje. Otvaram raspravu po pitanju Dnevnog reda. Da li ima prijedloga za proširenje i dopunu Dnevnog reda? Prije nego se vi javite, ispred Kolegija ima prijedlog za proširenje Dnevnog reda sa tačkom koja bi se zvala Informacija o stanju za dan 23,24,25 i 26.12.2024. godine koju je pripremila Služba civilne zaštite a tiče se situacije koja se dešavala u protekliim danima i šta je sve Općina i službe poduzimale po tom pitanju. To je prijedlog Kolegija da se Dnevni red proširi sa ovom informacijom i da to bude tačka 16. Da li ima još prijedloga za proširenje. Ukoliko nema evo stavljam ovaj prijedlog Kolegija na glasanje ko je za proširenje Dnevnog reda sa pomenutom informacijom.

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusr, Elmedin Ramić (SDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Nema.

Konstatujem da smo sa 25 glasova za proširili Dnevni red. Sada ću pročitati kompletan Dnevni red koji ću staviti na glasanje

DNEVNI RED

1. Nacrt Budžeta/Proračuna Općine Maglaj za fiskalnu 2025. godinu
2. Nacrt Odluke o izvršavanju Budžeta/Proračuna Općine Maglaj za fiskalnu 2025. godinu
3. Prijedlog Odluke o privremenom finansiranju Općine Maglaj za period 01.01. – 31.03.2025. godine
4. Prijedlog Odluke o utvrđivanju vrijednosti boda komunalne naknade za 2025. godinu
5. Prijedlog Odluke o izmjeni Odluke o prodaji nekretnine neposrednom pogodbom Društvu za savjetovanje, usluge i trgovinu „AICOMP“ d.o.o. Maglaj i „Natron-Hayat“-u d.o.o. Maglaj, radi oblikovanja građevinske parcele
6. Prijedlog Odluke o pristupanju djelimičnoj izmjeni Regulacionog plana Centar Maglaj-Sjeverni dio“ po inicijativi Privrednog društva „ALU WOOD INŽINJERING“ doo
7. Prijedlog Odluke o davanju ovlaštenja punomoćniku za zastupanje Općinskog vijeća Maglaj na Skupštini „KJD“ d.o.o. Maglaj
8. Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o usvajanju Revizije finansijskog izvještaja za 2023. godinu
9. Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o pokriću gubitka za 2023. godinu
10. Prijedlog Rješenja o imenovanju Kolegija Općinskog vijeća Maglaj
11. Godišnji plan potencijalnih JPP projekata za 2025. godinu
12. Srednjoročni plan potencijalnih JPP projekata za 2025. - 2027. godina
13. Prijedlog Programa rada Općinskog vijeća Maglaj za 2025. godinu
14. Informacija po inicijativi Komunalnog javnog društva d.o.o. Maglaj za zamjenu zemljišta
15. Informacija o radu privatnih predškolskih ustanova za 2023/2024. godinu, koje se sufinansiraju iz Budžeta Općine Maglaj sa programom rada za 2024/2025. godinu
16. Informacija o stanju za dan 23,24,25, i 26.12.2024. godine

Vijećnička pitanja i inicijative

Pročitani Dnevni red stavljam na glasanje, koje za?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusr, Elmedin Ramić (SDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Nema.

Konstatujem da smo sa 25 glasova za usvojili predloženi Dnevni red.

AD -1: Nacrt Budžeta/Proračuna Općine Maglaj za fiskalnu 2025. godinu

Predsjedavajuća Aida Bašić: Prelazimo na tačku 1, a to je Nacrt Budžeta/Proračuna Općine Maglaj za fiskalnu 2025. godinu. Otvaram raspravu. Uvodničar nam je svakako potreban, te pozivam Senadu da nam se obrati.

Senada Alibajraktarević: Selamim i pozdravljam sve prisutne. Evo pred nama je materijal znači Nacrta Budžeta/Proračuna Općine Maglaj za 2025. godinu. Pravni osnov za donošenja ovog Nacrta su sadržani u članu 7. I članu 32. Zakona o budžetima u FBiH, člana 13. Zakona o principima lokalne samouprave, te članova 18. i 42 Statuta Općine Maglaj. Kao što ste mogli vidjeti u materijalima Nacrt Budžeta Općine Maglaj za narednu godinu iznosi 14.017.940,00 KM. kada je riječ o prihodima, porezni prihodi planirani su u visini od 6.641.426,00 KM, neporezni prihodi u iznosu od 2.047.444,00 KM. tekući transferi u iznosu od 3.121.570,00, donacije u iznosu od 15.500,00 KM te kapitalni transferi u iznosu od 1.942.000,00 KM. Kada je riječ o planiranju poreznih i neporeznih prihoda u Nacrtu rukovodili smo se zakonskim okvirom, kao i procentom izvršenja do momenta izrade Nacrta za narednu godinu, te instrukcijama koje smo dobili od Federalnog ministarstva finansija vezano za raspored prihoda od indirektnih poreza po jedinicama lokalne samouprave. Kada je riječ o tekućim i kapitalnim transferima tu su sve ugovorene obaveze kao i prenešena sredstva koja nisu potrošena do momenta sastavljanja Nacrta i koja smo uvrstili u Budžet za narednu godinu. Što se tiče razhoda, razhodi su planirani u iznosu od 10.865.940,00 KM a tekuća budžetska rezerva je planirana u iznosu od 50.000,00 KM. Kada pogledamo samo ukupne prihode i ukupne razhode vidimo da tekući suficit je planiran u iznosu od 2.852.000,00 KM. kada je riječ o kapitalnim primicima i kapitalnim izdacima, kapitalni primitci su planirani u iznosu od 250.000,00 KM a kapitalni izdaci u iznosu od 3.102.000,00 KM. kao što ste vidjeli u materijalima znači pojedine budžetske pozicije u kategoriji razhoda ostale su na istom nivou kao što su bile u planu 2024. godine, pojedine su smanjene u zavisnosti od procenta izvršenja Budžeta do momenta sastavljanja Nacrta a neke su povećane. Povećanje pozicija na dijelu razhoda izvršene su na pozicijama tekućih transfera za redovan rad mjesnih zajednica, zatim su povećane pozicije nagrade učenicima i prosvjetnim radnicima kao i tekući transferi osnovnim i srednjim školama. Zatim su povećani transferi koji se odnose na penzionere, zaim poticaj natalitetu i sufinansiranje vantelesne oplodnje. Udvostručeni su poticaji koji se odnose na hraniteljske porodice. Zatim, povećana je pozicija sufinansiranje i sanacije fasada, stambenih zgrada u užem gradskom jezgru i zamjena azbestnih krovova. Ono što ste još vidjeli povećanje na planiranim pozicijama je na poziciji invalidskog sporta, zatim pozicija JU Nardona biblioteka, zatim pozicija kulture, pozicija obilježavanje značajnih datuma i događaja prema Odluci Općinskog vijeća. Sufinansiranje civilnih udruženja, sufinansiranje rada javne kuhinje, povećana je pozicija za JU Centar za socijalni rad kao i Centar za djecu i odrasle sa posebnim potrebama ZDK. Ono što se još vidi na povećanim pozicijama u dijelu razhoda su povećanja na dijelu poljoprivrede, kao i subvencije za plaćanje komunalnih usluga, te pozicija u zapošljavanju mladih poduzetnika. To su sve pozicije koje su povećane na kategoriji razhoda a na kategoriji prihoda znači povećanja su vršena samo u skladu sa trenutnim izvršenjem Budžeta i u skladu sa zakonskim regulativama. Ono što bih još napomenula u ovom uvodnom izlaganju da imali ste povećanje i na naknadama zaposlenih to povećanje odnosi se na određeni dio zaposlenika Općine Maglaj ide u zasluženu starosnu penziju. Određeni dio zaposlenika ide na procjenu komisije za invaliditet, na invalidsku penziju i određeni broj zaposlenika treba uplatiti beneficirani radni staž i ostavili bi pravo na penziju po svom izboru i znači tu im treba uplatiti sem tog beneficiranog staža i otpremninu. Eto toliko bih ja u uvodnom izlaganju, mislim da smo pripremili jedan kvalitetan materijal koji bi mogao ući u javnu raspravu, pa ukoliko bude još nekih pitanja, stojim na raspolaganju. Uz ponuđeni Nacrt dobili ste i dokument okvirnog budžeta, tako je propisana procedura kod usvajanja Nacrta Budžeta i kod izrade Nacrta

mi smo prikupili i obradili zahtjeve budžetskih korisnika i rukovodili se dokumentom okvirnog budžeta Općine Maglaja za period 2025.-2027. godina, koji je Općinski načelnik bio dužan usvojiti do 30.06.2024. godine. Uz to imate i mišljenje koje smo dobili od Ministarstva finansija ZDK, dobili smo pozivito mišljenje na Nacrt za 2025. godinu uz obrazloženje i kao što ste vidjeli uz poštivanje ove zakonske regulative. Toliko u uvodnom izlaganju.

Predsjedavajuća Aida Bašić: Hvala Senada. Rasprava je otvorena. Vijećnik Firuz se javio za riječ, izvolite.

Vijećnik Firuz Galijašević: Pozdravljam sve prisutne. Očigledno je da trenutno nema ko napraviti Budžet u Općini, pa se pribjeglo prepisivanju ranijeg Budžeta uz male korekcije. Analizom iznosa Budžeta prethodnih godina, evidentno je da je Budžet svake godine rastao i evo dobijemo Nacrt Budžeta koji je manji od Budžeta prethodne budžetske godine, odnosno još uvijek tekuće. To je jasan pokazatelj da interesna većina nema ni viziju ni plan inače bi bio Budžet konkretan a ne prepisan i predvidio bi značajnije nove projekte a ovaj nije predvidio ni sve postojeće za koja su sredstva već obezbijedena. Pbrojat ću neke. 600.000 za sanaciju i rekonstrukciju ulice Srebreničkih žrtava rata, 200.000 od strane Vlade FBiH, 345.000 od strane Ministarstva za promet i komunikacije, 130.000 od strane Ministarstva za prostorno uređenje, 500.000 za sportsku dvoranu itd. Neke stavke koje vidimo u Nacrtu Budžeta za 2025. godinu sugerišu da se vraćaju dugovi pojedincima ali taj dio ćemo ostaviti javnosti kada dođe na red Prijedlog a ne Nacrt. Reda radi reći rećmo primjere, stavljen je put za Rakovac, a jasno se vidi da radi o vraćanju duga a ne brizi mještana Rakovca ili priča o Megari gdje pojedinci trebaju da profitiraju a ne Općina Maglaj, ostalo ćemo detaljnije na samom Prijedlogu Budžeta. Ovdje tražimo pojašnjenje od načelnika iz kojih sredstava je planirana rekonstrukcija puta Rakovac, gdje je to u Budžetu na prihodovnoj strani. Zanimljivo je da izgleda niko ne zna pojam suficit, deficit, pa se napravi u planu kao da jke Općina profitabilna kompanija. Tražimo od načelnika pojašnjenje šta je sa suficitom iz tekuće 2024. godine koji je evidentan, gdje se nalazi u Budžetu i šta je planirano finansirati sa njim.

Predsjedavajuća Aida Bašić: Hvala Firuze. Senada, sačekajte samo malo sa odgovorom da vidimo druge vijećnike koji su se javili za diskusiju. Gospoda Hadžić izvolite.

Vijećnica Aida Hadžić: Pozdravljam sve prisutne, što se tiče Nacrta Budžeta, Klub DF-a podržat će i glasati za Nacrt i smatramo da je dobra osnova za upućivanje u javnu raspravu. Kao argumente za ovaj naš pozitivan stav navest ćemo neke sljedeće podatke. Svi projekti koje je DF u prethodnom periodu svojim zalaganjem kandidovao u Budžet ostavi su zadržani, finansijska sredstva su na istom nivou, veći dio je, dobar broj projekata je uvećan. Posebno ističemo sredstva za subvencioniranje komunalnih cijena za najugroženije kategorije stanovništva, sredstva za sufinansiranje projekata utopljanja zgrada, planirana su i sredstva za formiranje organizacionog odbora bilo kakvog oblika u sklopu Doma kulture za što u prošloj, odnosno ovoj godini nije se pronašlo rješenje vezano za turističku djelatnost a nama je to posebno važno. Trebalo bi biti svima. Sredstva za podršku đacima osnovnih škola za posjetu Memorijalnom centru Potočari, kao i sredstva za podršku zapošljavanja mladih i naknade hraniteljskim porodicama. Ističemo dobru stranu Nacrta i zbog toga što su povećana sredstva za izradu projektne dokumentacije za 20.000 KM, svjesni problema sa kojima se Općina Maglaj i novi načelnik susreću a to je problem nedostatka projektne dokumentacije za prioritene potrebe stanovništva i aktivne projekte koji bi se kandidovali prema drugim nivovima vlasti i međunarodnim fondovima. Načelnik će imati podršku DF-a što se tiče i značajnijeg povećanja ovih sredstava ukoliko bude prilike i u nekom narednom periodu. Vrijedi spomenuti i znatno povećanje sredstava za održavanje i rekonstrukciju lokalnih cesta i uvećana sredstva za uličnu rasvjetu i projekte energetske efikasnosti. Povećana su sredstva za socijalne projekte, penzionere i posebno ovaj moram da istaknem svoje lično zadovoljstvo kao prosvjetnog radnika jer se konačno povećala stavka i za osnovne i srednje škole. Ima još dosta toga što je pozitivno u ovom Nacrtu. Posebno želim da izdvojim činjenicu koja govori da je preko 110.000 KM više sredstava planirano za podršku braniteljskoj populaciji općine Maglaj. Ukupna

cifra planirana za 2025. godinu je znači preko 800.000 KM u dijelu koji se odnosi na podršku zapošljavanja, pomoć u nabavci ortopedskih pomagala, pomoć osobama u stanju socijalne potrebe za liječenje ali i za izradu spomen obilježja. Ovdje želim da istaknem i da pohvalim angažman našeg ministra Adnana Sirovice i da izrazimo zadovoljstvo dobrom saradnjom našeg načelnika i ministra Sirovice a to je sve za dobrobit svih stanovnika Maglaja. Nadamo se da će u ovoj godini biti utrošena i sredstva od 80.000 KM za projekat uklanjanja arhitektonskih barijera u Maglaju a poznato je da smo mi na tome posebno insisitirali. U nizu planiranih izdvajanja na kraju ćemo apelovati da se kroz donošenje Odluka u narednom periodu ozbiljnije pozabavimo i pružanjem pomoći dacima, srednjoškoleima a vezano za subvencioniranje troškova prevoza znači kako bi smo ne samo ostvarili socijalni efekat nego i obezbjedili taj siguran upis đaka u naše srednje škole.

Predsjedavajuća Aida Bašić: Hvala gospođo Hadžić, vijećnik Senad Šehić.

Vijećnik Senad Šehić: Sve vas pozdravljam i želim vam uspješan rad, to jeste nama svima. Ja ću se malo osvrnuti u dijelu kada su u pitanju kapitalni projekti. Dakle o tome je već nešto prethodno prije mene govorio kolega Firuz Galijašević. Dakle, čini se da nema ni jednog ozbiljnog novog projekta osim projekata koji su ostali iz perioda bivše vlasti ali čak ni oni nisu uvršteni u Budžet kako treba. Recimo problem rekonstrukcije to jeste nastavak rekonstrukcije glavne aleje, šetnice od Carigrada do Srebreničkih žrtava rata, stoji u Budžetu ali nemamo sredstava za ovaj dio iako su ranije sredstva za ovaj projekat obezbijedena tako da tražimo da se u Budžetu za 2025. godinu planiraju sredstva i za rekonstrukciju ostatka ove aleje. Ova stavka pod nazivom sredstva Vlade FBiH u iznosu od 200.000 maraka, malo je nejasna, nije mi jasno šta se planira raditi sa tim sredstvima ali ta sredstva se evo mogu usmjeriti naprimjer u završetak glavne šetnice.

Predsjedavajuća Aida Bašić: To je prijedlog Senade je li?

Vijećnik Senad Šehić: Jedan od prijedloga, mi ćemo svakako u pisanoj formi sve svoje prijedloge uputiti. Dakle, evo o tome je već moj kolega Firuz govorio nije najjasnije baš da li su planirana sva ranije obezbijedena sredstva evo recimo u iznosu od 130.000,00 KM od Federalnog ministarstva prostornog uređenja za saniranje poplavama i klizištima oštećenih lokalnih cesta i druge infrastrukture, ako evo recimo i primjer sredstva Federalnog ministarstva prometa i komunikacija u iznosu od cirka 350.000 maraka za rekonstrukciju i sanaciju gradskih saobraćajnica. Što se tiče konkretnih prijedloga tražimo da se u Budžetu planiraju sredstva za kupovinu zemljišta od Viteške ulice do saobraćajnice iza Konzuma kako bi izašla skroz, dakle od T objekata kako bi ulica izašla na Vitešku, dakle da se predviti dio sredstava za izgradnju iste. Također, da se planiraju sredstva i privede kraju otkup zemljišta za most na rijeci Bosni prema Čakaloveu. Potrebno je izdvojiti sredstva za rekonstrukciju vodovoda kako bi se smanjili gubici i povećao kapacitet proizvodnje. Ovo ljeto je bio problem sa kapacitetom i redukcijom, što nam nalaže da se hitno djeluje po ovom pitanju. Predlažem da se smanje sredstva za sanaciju fasada, stambenih zgrada i zamjene azbestnih krovova za 20.000 KM jer je i ove godine od planiranih 25.000 utrošeno 15.000. tako je iz godine u godinu ako se prijavi jedan savjet, jedan stambeni objekat a sada je ova stavka uvećana za dodatnih 10.000. bolje da ova sredstva usmjerimo za subvencioniranje rješavanja stambenog pitanja mladih bračnih parova pa d'ajoš nekome pomognemo da osigura krov nad glavom. Znam da nisu u pitanju velika sredstva ali bitno je da odnekle počnemo sa realizacijom ovog programa. Također, nadam se evo kada je socijala u pitanju da će oboljeli od celijaklije i u narednoj godini dobiti jednokratnu finansijsku pomoć od Općine Maglaj, obzirom da su njihovi troškovi za osnovne životne namirnice 5 x skuplji od prosječnog građanina. Toliko za sada, mi ćemo naravno sve svoje prijedloge dostaviti u pisanoj formi tokom javne rasprave.

Predsjedavajuća Aida Bašić: Hvala Senade, vijećnik Bašić izvolite.

Vijećnik Damir Bašić: Poštovani vijećnici dobar dan. Ja ću se dotaketi malo ovih javnih ustanova koje je uvodničar pomenuo da se radi o povećanjima jeste ali ne za sve ustanove. Između ostalog imali smo na prošloj sjednici, imali smo raspravu koja je trajala jedno sigurno 2 sata oko vrtića a na kraju u planu za 2025. godinu Budžet ostaje isti. Kako nazvati situaciju vezanu za vrtić a pored

svih ustanova koje smo povećali naravno koje treba i pozdraviti i to povećanje nije to tako ni loše ima tu i Dom zdravlja također koji ostaje isti. Ja bih vas samo zamolio da pogledate projekcije koje su poslana prema Općini i prije a i u Izvještaju samom poslana su projekcije i koliki je potreban Budžet za Dječiji vrtić da bi opstao. Toliko, hvala.

Predsjedavajuća Aida Bašić: Hvala, da li ima još vijećnika za diskusiju. vijećnik Đuhera, pa vijećnik Smailović.

Vijećnik Jasmin Đuhera: Pozdravljam sve prisutne, ja ću predložiti da se stavka elementarne nužne potrebe lica i porodica u stanju socijalne potrebe poveća za 5000 maraka, zato što je dosadašnja praksa bila da se isplaćuje pomoć djeci oboljeloj od dijabetesa. Tako da se nadam da svi razumijemo ovu problematiku, da su troškovi života porasli, da su lijekovi nažalost poskupili i što je najgore imamo i povećaje oboljelih. Predložio bih da se sa transfera sufinansiranje sanacije fasada stambenih zgrada u užem gradskom jezgru i zamjene azbestnih krovova umanjani navedeni iznos i prebaci gore na navedenu stavku. Hvala.

Predsjedavajuća Aida Bašić: Izvinite samo da li će taj prijedlog ići u sklopu ostalih?

Vijećnik Jasmin Đuhera: U toku javne rasprave ćemo dostaviti.

Predsjedavajuća Aida Bašić: Hvala lijepo. Vijećnik Smailović, izvolite.

Vijećnik Almin Smailović: Ja bih pozdravio sve prisutne. Imam dva pitanja i jedan prijedlog. Prvo pitanje se odnosi na Poslovnu zonu Novi Šeher. U 2024. godini, sa nivoa kantona planirano je 100.000, sa federacije 300.000 maraka koliko sam ja vidio. To su sredstva planirana za prethodnu godinu za ovu godinu je planirano 0 koliko sam ja shvatio. To su sredstva koja su prebačena iz 2024. godine, pitanje se odnosi da li se odustalo od izgradnje Poslovne zone u Novom Šeheru, čime pada u vodu sva priča o razvoju općine Maglaj, kada niste u stanju realizovati ni ovo već pripremljeno i obezbjeđeno. Tražimo od načelnika jasan stav vezano za Poslovnu zonu Novi Šeher. Drugo pitanje se odnosi stavka 613 izdaci za materijal sitni inventar i usluge, povećano otprilike za 400.000 maraka. Ovdje se dobar dio odnosi na Komunalno javno društvo i to svakako pozdravljamo i to je ok. Ukoliko bude navedeni novac otišao na povećanje plata radnika u radnim uniformama na terenu, ukoliko bude usmjeren na povećanje radnika u administraciji svakako da ne podržavamo. Treća stvar, grant 0811 za sportiste pojedince i iznimne sportiste rezultate svega planirano 3.000 KM, što je svakako mizerna cifra. Navest ćemo samo jedan konkretan primjer koji ide u prilog mojoj tvrdnji. Imamo našeg kolegu vijećnika Selvera Mahmića, koji je prethodnih godina najveći ambasador naše općine, takmiči se na vrhunskom nivou. Tri godine za redom je bio državni prvak u kick boksu. Zadnje tri godine se bori u MMA najjačoj sceni u Evropi FNS organizaciji koja okuplja najveće borce Evrope. To vam je kao liga prvaka u nogometu, odnosno Euro liga u košarci. Prije par mjeseci organizovan je najveći sportski događaj ikada u ovom sportu u Zagrebu, gdje je prisustvovalo otprilike 20.000 ljudi. Ovaj događaj su prenosile sve renomirane televizije sa prostora bivše Jugoslavije. Naš kolega Selver je pobjeđivao velika imena u tom sportu i ponosno predstavljao Maglaj i našu BiH. Sa druge strane, pored teške životne priče i porodičnih borbi nije posustajao ima volje i snage da bude još bolji i jači. Mi smatramo da on zaslužuje pažnju i poštovanje za ono što radi za našu općinu. Smatram da treba da ovaj transfer povećati na bar 10.000 KM ali i to je mali iznos koliko danas košta takmičenje na vrhunskom nivou. Samo postavite sebi pitanje koliko bi druge općine izdvojile za promociju da imaju ovakvog vrhunskog sportistu. Hvala.

Predsjedavajuća Aida Bašić: Hvala lijepo. Vijećnik Obralić se javio, izvolite.

Vijećnik Adin Obralić: Zahvaljujem predsjedavajuća sve vas srdačno selamim i pozdravljam. Ja ću ovako da se nadovežem na diskusiju svojih kolega iz Kluba vijećnika SDP-a. Kao što smo u uvodnom izlaganju nadležne službe vidjeli pojedine, većina ustanova je dobila povećanje znači ovim Načrtom, nažalost tu su ostale dvije ustanove koje su ostale na istom nivou. To je JU Dječiji vrtić i JU Dom zdravlja Maglaj. Moje pitanje ide da li je to u pitanju politički pritisak ili šta drugo ako nije zamolili bi da nam načelnik to izade i da kaže s te strane. S druge strane hoću da vas

uputim kada je u pitanju JU Dom zdravlja Maglaj a ukoliko neko misli da je nešto ovdje tražim za sebe, može se obratiti i sindikatima Dom zdravlja Maglaj i jednom i drugom, možete se obratiti Upravnom odboru koji smo imenovali na prošloj sjednici, pa neka i oni daju svoje mišljenje vezano za ova izdvajanja koja su predviđena ovim planom za 2025. godinu. Ono što hoću da kažem jeste da ovih 197.000 da tražim a što ćemo dostaviti i kao naš prijedlog kada krene javna rasprava, tražim da se to poveća na nekih 240.000 KM. Prije svega to govorim iz razloga jer vidimo da su ovamo podizani recimo izdaci za materijal, sitni inventar nekih 400.000 KM od čega je 20.000 za tekuće održavanje zgrade, da su onda naknada članovima komisija po rješenju Općinskog načelnika za 18.000 itd itd. Ono što hoću da kažem jeste da i JU Dom zdravlja Maglaj ima isti problem sa tekućim održavanjem zgrade, imamo problem sa registracijom vozila, sa kvarovima vozila, imamo dosta prijevoza pacijenata koje na zavod neće da refundira te troškove na kraju godine, čak šta više znamo biti nekad i kažnjeni skidanjem tranše za plaće radnicima ukoliko smo prekoračili propisivanje lijekova itd. Zatim nedavno ove elementarne nepogode koje su nas pogodile gdje se ambulanta u Šehereu radi do 19 sati, što je dobro, daj Bože da možemo napraviti da ona gore radi 24 sata, međutim ne možemo to nas ograničavaju neki standardi, normativi i neki drugi propisi a prije svega ograničava nas novac koji izdvajamo za zdravstvo. Sve to naravno i mislim naravno načelnik je upoznat od strane direktorice, da smo krenuli u proces certifikacije ustanove što je naša zakonska obaveza gdje smo izdvojili preko 10.000 maraka samo za to. To naravno podrazumjeva i da se osoblje ide na dodatne edukacije itd tako da s te strane a bit će naravno dostavljeno i u formi prijedloga kada bude rasprava, tražimo da se ova stavka poveća na 240.000 maraka i da pitam još jednom da ponovim da se odogovir na pitanje zašto je ostavljeno na ovom nivou od 197.000. Druga stvar koju bih želio ovdje jeste da kažem je to je funkcija 0421 analitički dio 614404 subvecije za poljoprivredu, samo 15.000. Što je sa ranijim pompeznim zahtjevima koji su bili ovdje za sufinansiranje poljoprivrede gdje se čak spominjalo nekih 300.00 da će biti, štamožemo s ovih 15.000. Evo pitamo načelnika, on je od te struke možemo kupiti 2 plastenika ako je to neka cijena. Ono što još pitam jeste da li je ovim planom predviđene štete koje su pretpjreli poljoprivredni proizvođači u ovim nedavnim elementarnim nepogodama i šta nas još čeka na ljeto da li ovaj plan to predviđa i hoće li biti ovih 15.000 dovoljno da se to sve pokrije. Još jedno samo pitanje to je da se pojasni funkcija 0491 analitički dio 614721 gdje je ovim Nacrtom predviđeno 100.000 KM odnosno povećanje od 45 hiljada u odnosu na ovu godinu, molim pojašnjenje koji su to projekti koji će biti finansirani i kojim međunarodnim organizacijama. Hvala lijepo.

Predsjedavajuća Aida Bašić: Vijećnik Mahmić, izvolite.

Vijećnik Selver Mahmić: Pozdravljam sve prisutne, evo ja bih htio da pokrenem jednu vijećničku inicijativu to jeste prijedlog da se u Budžet Općine Maglaj uvrsti izdvajanje određenih sredstava za udruženje Srce za djecu oboljelu od raka, sa sjedištem u Sarajevu ali to nije samo sjedište u Sarajevu, to je udruženje za sve unesrećene na području FBiH. Ja lično sam osjetio koliko to na svojoj koži znači nama roditeljima unesrećenim kao i bolesnoj djeci i evo čuo sam da određeni gradovi i Općine izdvajaju sredstva za to udruženje i ne bi bilo loše da i naša Općina uvrsti u Budžet to udruženje pa bar s nekih 1000 maraka s početka, mislim da bi to bilo, Općina Maglaj bi tim bila prva u ZDK gdje bi izdvajala ta sredstva za udruženje, to bi bio jedan neki veliki plus s moje tačke gledišta i samim tim kad sam kod tog udruženja evo ja od svog prvog primljenog mjesečnog paušala se odričem za rad udruženja. Naravno ko je u mogućnosti, ko je dobre volje može ići mojim stopama i ući na web stranicu Srce za djecu ukucati i imaju tamo instrukcije za plaćanje i evo da bar krenemo hairli ovaj mandat od ove 4 godine. Zahvaljujem se.

Predsjedavajuća Aida Bašić: Hvala Selvere, ja vas pozivam da svoj prijedlog uputite u pisanoj formi u toku javne rasprave. Vijećnik Serhatlić izvolite.

Vijećnik Nesib Serhatlić: Poštovana predsjedavajuća, poštovani načelnice, cijenjene kolege vijećnici, predstavnici stručnih službi Općine, mediji i gosti. Budžet je najviši akt svake Općine

prema tome on zasluđuje da se o tom dokumentu da mišljenje i da se o njemu kvalitetno raspravlja. Smatram da je ovaj Nacrt dobra osnova za izradu konačnog prijedloga Budžeta. Mi imamo u Budžetu predviđeno cirka 14 miliona prihoda i razhoda, mi nemamo tih novaca to je projekcija koja za koju se nadamo da će stići u toku naredne godine. Sad napadati ovaj Nacrt i ovako i onako niste ovo, niste ono, moramo znati da sve ono što smatrate da ne dostaje u Budžetu da treba povećati, treba samo s druge strane vidjeti s koje ćemo strane mi te pare uzeti, iz kojih troškova da bi povećali te troškove. Šta umanjiti, morate o tome voditi računa. Ja ne želim da konkretno licitiram sa ciframa u ovom Nacrtu, imat ćemo 30 dana za javnu raspravu i možemo tada davati svi svoje prijedloge. Evo ja bih nekoliko stvari rekao općenito. Uočio sam da su tranše za sufinansiranje javnih ustanova ostale na istom nivou, neke su malo blago povećane, mislim da JU Dječiji vrtić zasluđuje da se poveća naknada i izdvajanje za njih pogotovo što ćemo imati temasku sjednicu za mjesec dva dana gdje ćemo raspravljati o stanju u javnoj ustanovi. To povećanje ne može biti kao što su ovdje neki ovdje zahtjevi za 100 %, povećanje može biti između 10 i 20 % a kada budemo na tematskoj sjednici raspravljali o Dječijem vrtiću tada možemo neke stvari promijeniti itd. Smatram da u Budžetu akcenat treba dati na prihode koji nastaju od privredne aktivnosti na općini Maglaj. Mi imamo stalne tranše koje nam dolaze po osnovu PDV-a, znači indirektnih poreza po osnovu kapitalnih primitaka sa viših nivoa vlasti međutim trebali bi povesti računa da povećamo prihode koji su direktan prihod općine od privrednih djelatnosti koje se dešavaju na općini Maglaj. To su znači izgradnja objekata, kupovina zemljišta, od te izgradnje doći će sredstva koja će ići direktno, punit će Budžet na općini Maglaj. Smatram da razvoj turizma zasluđuje posebnu pažnju odnosno mi nemamo još uvijek ili kancelariju ili turističku zajednicu znači neki odjel koji će voditi brigu o turizmu. Pogotovo što očekujemo da ćemo u narednoj godini imati jak razvoj u oblasti turizma, otvara nam se novi hotel tako da očekujemo tu priliv gostiju itd. Smatram da taj turizam zasluđuje posebnu pažnju i trebalo bi da li pri Domu kulture osnovati turističku zajednicu, da li u nekoj službi, d ali u Sluđbi privrede jedno mjesto koje će voditi birgu o turizmu. Smatram da treba nastaviti aktivnosti i na izgradnji Poslovnih zona, pogotovo onih gdje smo stigli daleko i gdje treba nešto uložiti sredstava ne previše kako bi zaokružili taj proces. Na kraju ja smatram da je ovo jedna dobra polazna osnova za izradu prijedloga i evo pozivam sve da svojim konkretnim prijedlozima realnim prijedlozima doprinesemo da nam Prijedlog Budžeta bude zaista onaj kako zasluđujemo. Zahvaljujem.

Predsjedavajuća Aida Bašić: Hvala lijepo, vijećnik Burić izvolite.

Vijećnik Kenan Burić: Ja vas sve srdačno pozdravljam i selamim. Što se tiče mojih nekih prijedloga vezano za Budžet Općine Maglaj vidim da Budžet za sportske klubove je ostao isti kao i prethodne godine. Znamo da su sportski klubovi kako pojednici kaoo smaj klubovi su najveći promotori našeg grada. Mislim d abi se taj Budžet trebao povećati a ne da ostane isti. Zanima me zašto u Budžetu nema stipnediranje posebno nadarenih učenika, sportista i studenata. Vidim da nema u Nacrtu ništa predviđeno za te stvari. Što se tiče kulture mislim da bi trebalo povećati Budžet za kulturu i sufinansiranje rada pojedinaca na općini Maglaj i finansiranje edukacije mladih jer znamo da dosta naših mladih kako u školama tako i u pojedinim insititucijama rade na promociji grada Maglaja. Imate čist primjer Adija Softića koji svake godine organizuje ja mislim Maglaj spirit koji mu pomažu u velikoj mjeri da taj događaj se obilježi na jedan stvarno lijep, korektan način i da se privuće što više ljudi u naš grad. Tako da ja mislim da bi i rekonstrukcija stare tvrđave trebala ući u Nacrt Budžeta. Vidim da u Budžet nije uvrštena MSŠ i Gimnazija, ja bih tu stavio da se vrši i rekonstrukcija laboratorije same u školama jer imate škola koje zahtjevaju i imate učenika poslije škole se zapošljavaju u Natronci u laboratorijama kako bi imali pristup što bolje i da bi se što bolje edukovale za taj rad koji će sutra imati u Natronu. Dalje, trebamo staviti u Budžet kao što smo vidjeli ovo elementarne nepogode koje su nas zadesile da trebamo nabaviti agregate u školama što je jako bitno za dalje obrazovanje i način funkcionisanja pojedinih škola. To bi bilo to.

Predsjedavajuća Aida Bašić: Hvala Kenane, da li ima još vijećnika za diskusiju? Vijećnik Abdurahmanović izvolite.

Vijećnik Adis Aburahmanović: Evo ja bih poselamio i pozdravio sve prisutne i želim nam efiksan rad na današnjoj sjednici. Mi iz Kluba vijećnika SDA ovaj Nacrt vidimo kao dobru polaznu osnovu za izradu konačnog Budžeta. Ja ću se osvrnuti na neke stavke u ovom Nacrtu koje smo mi godinama ispred Kluba SDA predlagali i evo vidim da je ove godine u velikoj mjeri došlo do povećanja tih stavki. Radi se o sljedećem, tekuće održavanje i rekonstrukcija lokalnih i nekategorisanih puteva i gradskih ulica sa 425.000 u ovom Nacrtu je 480.000 KM. Zatim, izdaci za tekuće održavanje i rekonstrukciju ulične rasvjete i sufinansiranje projekata energetske efikasnosti sa 45.000 na 70.000. Zatim, izdaci za promociju turističkih proizvoda i usluga te uređenje turističkih destinacija općine Maglaj sa dosadašnjih 35.000 na 65.000 KM, zatim tekući transferi mjesnih zajednica za redovan dan sa 55.000 na 70.000. Zatim bih pohvalio sredstva iz Budžeta ZDK a tiču se branilačke populacije, da ne nabrajam sada redom ali evidentno je da sredstva za pomoć branilačkoj populaciji iz Budžeta ZDK je u porastu. Zatim, sufinansiranje socijalnih programa penzionera sa dosadašnjih 17.000 na 25.000 KM. Poticaj za demografski razvoj 55 na 70, poticaj maloljetnoj djeci u statusu hranjenica u hraniteljskoj porodici sa 2.200 na 4.400 KM, zatim, tekući transferi osnovnim i srednjim školama sa 11.000 na 25.000 maraka. Kultura sa 90.000 na 100.000 maraka. Sufinansiranje rada javne kuhinje sa 30.000 na 40.000 maraka. Subvencije sufinansiranja projekata u poljoprivrednoj proizvodnji sa 195.000 na 210.000 maraka, zatim subvencije Komunalno preduzeću za plaćanje komunalnih usluga sa 25.000 na 50.000 maraka. Poticaj u zapošljavanju mladih poduzetnika za dodatnih 5.000 maraka. Izgradnja javne rasvjete sa 40.000 na 50.000 maraka. Zatim usluge izrade projektno tehničke dokumentacije sa 122.000 na 140.000 maraka. Kao što sam kazao ovaj Nacrt je dobra polazna osnova za konačnu izradu Budžeta. Mi ćemo ispred Kluba vijećnika svoje sugestije uputiti u pisanoj formi evo ja bih napomenuo samo što se tiče javnih ustanova imamo naravno sve što predlažemo treba da kao što je kolega Nesib rekao iznađu se prijedlozi sa koje stavke da se skine. Evo ja bih izvodio recimo JU Centar za socijalni rad, poznajemo ti ljudi tamo rade veoma dobar posao na području općine Maglaj. Poznavajući u kakvom smo društvu mislim da tamo doći će Izvještaj kada bude Izvještaj mislim da treba pokušati iznaći dodatna sredstva i povećati toj javnoj ustanovi. Kao što sam kazao mi ćemo predložiti da ne nabrajam sada u pisanoj formi ćemo dati prijedloge za konačnu izradu. Hvala.

Predsjedavajuća Aida Bašić: Hvala, vijećnik Mehinagić izvolite.

Vijećnik Eldin Mehinagić: Evo i ja ću da poselamim i pozdravim prisutne. Ne mogu reći da mi nije drago što su se povećali tekući transferi za mjesne zajednice jer i sam vršim obavezu volonterskog rada u toj mjesnoj zajednici. Interesuje me ovaj analitički dio 615617 kapitalni transfer mjesnim zajednicama finansiranje i sufinansiranje projekata koji je u tekućoj godini bio 920.000 i ostao je isti a rekonstrukcija, sanacija sufinansiranje i održavanja i izgradnja infrastrukturnih objekata je smanjena za 60.000. malo me je to onako da vam kažem iznenadilo jer tu će najviše osjetiti mjesne zajednice što se tiče infrastrukturnih ulaganja, a znamo da mjesne zajednice čine najmanje 60-65 % općine Maglaj. Pa eto ja bih imao neki prijedlog da se stvarno iznađe mogućnost za povećanje ove stavke i to je to.

Predsjedavajuća Aida Bašić: Hvala lijepo. Da li ima više vijećnika za diskusiju? Ukoliko nema, pauza na zahtjev Kluba SDP-a 5 minuta, izvolite. Evo nakon pauze nastavljamo dalje, Firuz imate stav izvolite.

Vijećnik Firuz Galijašević: Klub SDP-a neće moći podržati ovakav Nacrt Budžeta za 2025. godinu iz svih onih razloga koje smo i naveli u našoj diskusiji. Ukoliko se usvoji Nacrt Budžeta i ode u javnu raspravu, mi ćemo svoje prijedloge za Budžet dostaviti u pisanoj formi na samoj javnoj raspravi.

Predsjedavajuća Aida Bašić: Hvala lijepo. Evo prije nego što Senada ponudi odgovore i eventualno ukoliko načelnik želi, danas na sjednici imamo gosta a to je direktor Ernad Metaj, Centar za djecu i odrasle za posebnim potrebama ZDK. Obzirom da je direktor došao i pridružio se nama danas na sjednici ja ga pozivam da nam se obrati.

Ernad Metaj: Uvažena predsjedavajuća, načelnice, vijećnici hvala vam na ovoj prilici da se obratim i ja se nadam da će ovo biti jedan novi način komuniciranja između naše javne ustanove i ovog Općinskog vijeća a ne samo ovog Vijeća nego svih Vijeća na području ZDK. Mi smo po mnogo čemu specifična ustanova zato što smo osnovani u dogovoru kantona i općina pa tako postoji jedan Sporazum prije 10 godina kada se osnovala ova ustanova iz nevladinog sektora a sva priča je krenula iz Maglaja. Kada su prijatelji iz Njemačke napravili prvi Dnevni centar koji danas nažalost nije na mjestu onoga što je nekada bio u Maglaju. Ja ću prvo zamoliti i nadam se da ćemo imati razumjevanja da nekako sve vratimo na te fabričke postavke. Tamo je prema sporazumu između Općina i kantona i ove ustanove predviđen jedan omjer o sufinansiranju koji se nažalost u proteklom periodu nije poštovao. Prema tom omjeru naša ustanova bi od Općine Maglaj trebala imati podršku od 24.000 KM i mi smo načelniku uputili zahtjev za ovu godinu da to bude 28.000 uvažavajući trendove poskupljenja života i najave pojave povećanja troškova kako plata uposlenih tako i ostalih. Ono što bih želio da vam kažem je da takav jedan odnos ne trpe uspoleni, ne trpi predstavnici vlasti, trpe djeca i roditelji. Naša namjera je da u narednom periodu prvo vratimo Dnevni centar u Maglaj, da djeca ne idu više iz Maglaja u Žepče. To je prva stvar koju želimo uraditi jer zaista nema logike da neko ko živi blizu Centra sjed au kombi i ide u Žepče i mi ga vozimo a ne koristimo prostorije koje imamo na području općine Maglaj. S druge strane ta sredstva koja mi tražimo su zaista isključivo namjenjena za razvoj ne za povećanje plaća ili bilo kojih drugih troškova. Ona se koriste za ishranu korisnika, i za prevoz korisnika zato što su kada govorimo o našoj ustanovi sve usluge koje mi pružamo besplatne za djecu i njihove roditelje. Od ove godine mi smo donijeli Odluku da u Centar idu samo djeca koja ne mogu ići u redovnu školu i time smo ustvari dali jedan prostor da oni budu pet dana jer ranije smo imali praksu da dolaskom djece koja idu u školu ustvari zatvaramo prostor jednog značajnom broju djece da ne mogu pet dana ići u Dnevne centre. Tako da smo od ove godine to promijenili a u planu nam je da idemo i sa razvojem zaštitne radionice da u pojedinim općinama i djelovima ZDK otvaramo privredna društva manja i zapošljavamo naše korisnike zato što mnogi od njih ustvari dolaskom u Centar u školskom uzrastu ustvari i ostare zajedno sa ustanovom i mi danas imamo značajan broj korisnika koji su ustvari odrasli a koji su kroz naše radionice poprilično osposobljeni da rade određene stvari u životu a ne pruža im se takva mogućnost. S druge strane, zaista smo se potrudili evo u protekloj godini da određene usluge približimo lokalnim zajednicama. Imali smo reformu koja je bila u zastoju tri godine kada je riječ o procjeni i praćenju djece sa poteškoćama u razvoju gdje je ZDK uz Hercegovačko-neretvanski ustvari pionir jedne reforme koja ide u korist djeteta i roditelja i više ih ne kategoriše u onom smislu zašta su oni nesposobni nego ustvari traže njihove sposobnosti i kroz jedno praćenje koje će sada biti u kontinuitetu tražimo mogućnosti u zajednici koje njima otvaraju prostor. Mi smo u protekloj godini sve zahtjeve koje smo dobili odradili na terenu i roditelji su bili lišeni toga da idu u Zenicu iz Maglaja, nego smo mi dolazili na teren i to nam je praksa koju želimo nastaviti u narednom periodu. Uz to pri našoj ustanovi djeluje i odjel za ranu intervenciju i mi taj odjel takođe želimo približiti lokalnim zajednicama. Za početak smo u Dnevnom centru odredili osobe koje sada već ranu intervenciju a kada ako Bo gda prebacimo djecu u Maglaj, onda ćemo i dio rane intervencije prebaciti u Maglaj. Ja se nadam da će biti razumjevanja za ovaj naš zahtjev a s druge strane ono što vam ja kao direktor mogu obećati jeste da ćemo sa puno više transparentnosti, sa puno više odgovornosti mi se odnositi prema lokalnim zajednicama tako da ćete vi uvijek imati i redovne informacije i znati gdje vaš novac ide. Ja vas samo molim da zaista eto imamo razumjevanja prije svega za potrebe te djece i roditelja, pogotovo što mi još uvijek ne znamo potpuni obuhvat onih koji imaju tu potrebu a kada uđemo u lokalne

zajednice onda sasvim sigurno možemo i doprijeti do njih ali evo prije svega za početak mislim da je velika stvar da ih ako ništa oslobodimo tog nepotrebnog voženja u Žepče a da ne budu u svom Maglaju. Hvala vam.

Predsjedavajuća Aida Bašić: Hvala Vam direktore i hvala Vam na konstruktivnim prijedlozima. Ja vjerujem da će ovo Općinsko vijeće imati puno razumjevanje za jednu od najosjetljiviji kategorija našeg stanovništva a ne sumnjam da će i Općinski načelnik pružiti punu podršku po tom pitanju. Evo sada pozivam Senadu da odgovori na postavljena pitanja od strane vijećnika i također da napomene i predloži rok za javni uvid i javnu raspravu jer mislim da nije to u ovodnom dijelu rekla.

Senada Alibajraktarević: Prije nego što krenem odgovarati na sva postavljena pitanja, nedoumice i dileme. Prvo bih se obratila vijećniku Galijaševiću. Ja stvarno ne znam imate li stida i obraza da kažete nema ko u Općini raditi Budžet, evo da sva javnost zna, Senada Alibajraktarević radi na pripremi sve dokumentacije za Budžet od 2006. godine do danas, imenom i prezimenom i vi kao vijećnik trebali bi ste to znati.

Predsjedavajuća Aida Bašić: Molim vas nemojte sa mjesta ukoliko budete željeli nešto da kažete javit se.

Senada Alibajraktarević: Od 2006. godine, znači, mislim da većina vijećnika od vas nema toliki ni vijećnički staž ako ima ko neka digne ruku, eto od prisutnih vijećnika.

Predsjedavajuća Aida Bašić: Nemojte sa mjesta, molim vas poštujujte Senadu, Senada odgovara na pitanja.

Senada Alibajraktarević: Ovaj Budžet jeste manji u odnosu na prošlogodišnji usvojeni Budžet, samo da napomenem Vijeće, ima dosta vijećnika između ostalog i gospodin Galijašević je bio prošle godine. Nacrt Budžeta za 2024. godinu usvojen je u iznosu od 12.846.620,00 KM, Nacrt a Prijedlog Budžeta usvojen je u iznosu od 14.057.340,00 KM, ja iznosim tačne podatke ništa proizvoljno, nego ono što ste vi usvojili. Pošto nisam mislila da obrazlažem sve stavke u uvodnom izlaganju, mislevši da svi razumijete ono što piše ja ću pokušati odgovoriti na sva postavljena pitanja ako na neko pitanje preskoćim slobodno me napomenite. Što se tiče transfera u Budžetu imamo planirane tekuće i kapitalne transfere imamo planirane transfere od viših nivoa vlasti. Kada govorimo o primljenim tekućim transferima od Federacije u Budžetu za 2025. godinu, imate na poziciji sredstva za sanaciju područja obuhvaćenih prirodnom nesrećom, poplavama, klizištem planirani iznos od 33.750,00 KM. to je preostali iznos od pitanja vašeg od 130.000 maraka od Federalnog ministarstva prostornog uređenja. Taj iznos od 130.000 maraka koji je dodjeljen Općini Maglaj, bivši načelnik je potrošio u iznosu od 90 i nešto hiljada maraka, novi načelnik je zatekao nepotrošenih 33.750 KM i taj iznos prenosimo u narednu godinu. Znači, 33.750 maraka to je vaše pitanje zašto niste uvrstili u Budžet 130.000 maraka prostornog uređenja. Dalje, sredstva za uređenje deponije Nekolj 7.580,00 KM također to su prenesena sredstva nepotrošena u Budžetu za 2024. godinu. Federalno ministarstvo za raseljena lica i izbjeglice aplicirani projekti mi smo u Budžetu 2024. godine imali planiranih 500.000 maraka. U skladu sa tim potpisani su ugovori za projekte znači da ne nabrajam sve te projekte koji su potpisani u vrijednosti od 500.000 maraka i do momenta izrade Nacrta ostalo je nepotrošenih 84.070 maraka koje uvrštavamo u ovaj Budžet. Federalno ministarstvo za pitanja boraca sufinansiranje projekata dodjeljeno je Općini Maglaj 7.000 maraka ta sredstva nisu potrošena i uvrštena su u Budžet za 2025. godinu. Federalno ministarstvo okoliša i turizma studija Megara, to je potpisan ugovor i doznačena novčana sredstva u iznosu od 70.000 maraka. Federalno ministarstvo za rad i socijalnu politiku transfer za provođenje federalnih zakona socijalne i dječije zaštite i osoba sa invaliditetom 200 maraka to je dodjeljeno Općini, nepotrošeno i prenosi se u narednu godinu. To je što se tiče od tekućih transfera FBiH. Kada pogledate Budžet primljeni tekući transferi od kantona imamo pitanje gdje je uvršteno rekonstrukcija i izgradnja lokalnog puta Jablanica- Donji Rakovac Megara, evo ga 200.000 maraka. Sredstva za finansiranje transfera pojedincima i neprofitnim organizacijama 1.060.000

maraka, to su sredstva iz Budžeta ZDK, odnose se na pripadnike boračke populacije. Imate isti identičan iznos u razhodovnoj strani Budžeta. Sredstva za sufinansiranje vodovoda iz sredstava vodnih naknada, bilo je pitanje šta je sa vodovodima evo ih planiranih 400.000 maraka za narednu godinu. Pitanje za Nekolj, sredstva za uređenje deponije Nekolj, evo ih na prihodovnoj strani 150.000 maraka a poslije ću vam d ane bi bilo nikakve dileme gdje se nalaze na razhodovnoj strani. Sredstva za sufinansiranje infrastrukture i sredstava koncesione naknade 25.000 maraka to su sredstva koja naša privredna društva ulaćuju na ime koncesije u Budžet ZDK a Budžet ZDK spušta na ime općine a nadležna služba raspisuje javni poziv za utrošak tih sredstava po programu koji vi usvajate. Zatim, imamo čišćenje korita rijeke Jablanice i Liješnice 15.590 maraka, to su sredstva koja su doznačena od kantona za ovu namjenu, nepotrošena i prenose se u 2025. godinu. Rekonstrukcija i asfaltiranje puta Domislića-Čobe 150.000 bilo planom za 2024.godinu do momenta izrade Nacrta potrošeno je 86.340 u Budžet 2025.godine prenosimo 63.380 maraka. Sportska dvorana, ne sportka nego dovrana za našu djecu za srednje škole, ministarstvo ZDK odobrilo je 500.000 maraka, ta sredstva su nepotrošena i prenosimo ih u 2025.godinu. ministarstvo za privredu, izletišta 60.000 maraka, to su bila dva raspisana javna poziva. Jedan smo dobili za izradu nastrešnice Borik i budući da je služba tražila da bude prenamjena na tvrđavu, izvršena je prenamjena uz odobrenje nadležnog ministarstva i plus 30.000 doznačenih sredstava za tvrđavu. Rekonstrukcija i izgradnja lokalnog puta Galovac, 25.000 maraka doznačena sredstva u Budžet realizacija u toku ali budući da mi njih nismo potrošili, ja sam ih morala staviti u Budžet za narednu godinu. Ako budu slučajno potrošena bilo šta od ovih sredstava do konačnog prijedoga znači ona će biti skinuta sa ovih pozicija. To su tekući transferi što se tiče kantona i federacije. Što se tiče kapitalnih transfera imamo u Budžetu kapitalne transfere od FBiH, sredstva u sklopu grant šeme unaprijednje poduzetnički zona u Federaciji 300.000 maraka. Bilo je pitanje šta je sa Poslovnom zonom u Novom Šeheru, je li ukinuta, nije ukinuta ali nadležna služba je rekla da trebaju ići prvo koraci za eksproprijaciju zemljišta u Poslovnoj zoni pa tek onda izgradnja. Načelnik nije ukinuo Poslovnu zonu, ona ide i dalje će se aplicirati sredstva kako to bude svake godine po javnim pozivima što federacije, što kantona. što se tiče sanacije i rekonstrukcije ulice Srebreničkih žrtava rata, nije stala naprotiv bit će završena, imamo 600.000 maraka i evo koliko vidite na kapitalnim transferima 600.000 je za završetak ove ulice planiramo Budžetom. Rekonstrukcija centralnog trga i mosta u Starom Gradu 400.000 maraka, nisu bila potrošena u ovoj godini, prenose se i ima rok u narednoj godini za potrošnju tih para. Evo ih na kapitalnim transferima. Sredstva Vlade FBiH 200.000 rekonstrukcija i izgradnja uništenih saobraćajnica, gradskih saobraćajnica u Maglaju 200.000 evo ih. Bilo je pitanje nema ih. Ja sada govorim. Kapitalne potpore od kantona sredstva za vanjsko uređenje Delibegovog hana 2.000 maraka prenesena sredstva. Sredstva za izgradnju Poslovne zone Liješnica 200.000 maraka, sredstva koja se nalaze u Budžetu Općine Maglaj i bit će reafizovana u 2025.godini. Izgradnja kružnog toka 140.000 marak, kapitalna potpora od kantona, sredstva u Budžetu kantona i evo ih u planu 2025.godine. arhitektonske barijere 80.000 maraka sredstva doznačena u Budžet i evo ih u Budžetu. Kada je riječ o kupovini zemljišta primitci od prodaje zemljišta planirani su već nekoliko godina u iznosu od 250.000 maraka, tako smo ih planirali i ove godine. Eksproprijaciju znatno smo povećali sa 250.000 na 430.000 maraka. To je znači obrazloženje tekućih i kapitalnih transfera. Ima još pitanja koja su se odnosila a koja nisuz uvrštena u Budžet, da nije uvršteno 345.000 prostorno uređenje, to je ugovor potpisan u julu 2024.godine, za ta odobrena sredstva nije ni provedena procedura, tako da smo se mi obraćali nadležnom ministarstvu za prologiranje roka, dobili smo negativan odgovor. Ta sredstva niti su doznačena, ugovor jeste potpisan ali oni novčana sredstva doznačavaju tek po situacijama i po njihovim nadzorom i kontrolom. Suficit 2024.godine, ljudi pa nije ni kraj godine. Krajnji rok za predaju završnih obračuna je 28.02.2025.godine, imat ćete u Izvještaju o izvršenju Budžeta za 2024.godinu, Fasade 30.000 maraka, prijedlog da su stavku smanjimo, kako da je smanjimo vi ste imali Periodični izvještaj o izvršenju Budžeta sa

30.09.2024.godine, na raspisani javni poziv za sanaciju fasada javile su se ne znam to zna nadležna služba bolje podatke određeni kućni savjeti iz grada i za dvije zgrade je odobreno 2 x po 7.000 maraka, što se tiče zgrade koja se nalazi preko puta Piacadilija tu je odobreno 11.000 maraka i plus 5.000 iz budžetske rezerve, znači ta je zgrada dobila sama 16.000 maraka i plus ovih 14.000 to je 30.000. vidjet ćete i to kada budete imali Izvještaj o izvršenju Budžeta, iz budžetske rezerve je namireno 5.000, da ta pozicija svjesno je povećana uzveši u obzir sve te potrebe naših građana koji žive u gradu. Povećane javne ustanove to sve što imate zahtjeva, prijedloga, primjedbi dostavite u pismenoj formi i naravno i na javnoj raspravi. Izdaci za materijal i usluge ovo je kompletna pozicija 613 ne odnosi se ona samo na povećanje za Komunalno. Što se tiče plata Komunalnog, to neće voditi ni Služba za privredu ni načelnik nego vodeće strukture u Komunalnom. Imaju Nadzorni odbor, imaju direktoricu koja odlučuje o plaćama u Komunalnom. Mi se nećemo petljati ni u čije nadležnosti. Što se tiče sufinansiranje projekata u poljoprivrednoj proizvodnji, to je pozicija koja je godinama bila 195.000 maraka evo sada je dalji iskorak vidjet ćemo do konačnog prijedloga a konačan Program utroška sredstava na toj poziciji usvajate vi vijećnici a onda raspisuje se javni poziv i apliciraju se po kulturama i to za utrošak sredstava. Što se tiče pozicije 615117,615118 to su kapitalne stvari koje su direktno iz Općinskog budžeta, vidjeli ste i sami da oni iznose 2 miliona maraka. Nije izborna godina ljudi, nije mi se nismo vodili izbornom godinom. Mi čak šta više govorili smo bilo je pitanje da će to osjetiti mjesne zajednice, neće i ne smiju osjetiti mjesne zajednice. To su projekti koji se odnose bukvalno na sve mjesne zajednice u općini i ne smiju osjetiti. Što se tiče pitanja za načelnika, načelnik nikad anije odgovarao na pitanja koja se tiču Budžeta, načelnik je uvijek davao neku završnu riječ i sve. vi znate da služba priprema Budžet, sve što imate pitanja slobodno obratite se službi a načelnik naravno može dati svoj osvrt, svoje viđenje i svoju završnu riječ. Tkao je bilo uvijek i nevidim razloga da se to nešto mijenja. Ako bude bilo šta da sam preskočila, slobodno pitajte i molim vas za sve neodumice i dileme obratite se u službu, nemojte da na sjednicama Vijeća govorimo proizvoljen podatke, snima televizija, nema razloga da obmanjujemo našu javnost i da javnost misli nešto. Jest stavljeno u Budžet ili nije, zato sam ja malo odužila u ovom izlaganju ali Bože moj morala sam dati odgovor.

Predsjedavajuća Aida Bašić: Senada, prijedlog za javnu raspravu?

Senada Alibajraktarević: Što se tiče prijedloga za javnu raspravu, pa evo pošto ima dosta ovih zahtjeva čuli smo ih i usmeno, može 21 dan ako se slažete naravno vi vijećnici.

Predsjedavajuća Aida Bašić: Hvala lijepo, vijećnik Firuz izvolite.

Vijećnik Firuz Galijašević: Na samoj sjednici Kolegija 23.12.gdje je bila prisutna i šefica Službe za privredu i finansije sama je rekla da je pitanje da li će biti i na ovoj sjednici zbog zdravstvenih razloga. Rekla je da neće biti ni na javnoj raspravi najvjerojatnije ni na narednoj sjednici kada bude Prijedlog Budžeta. Šta sam ja tu pogriješio kad sam rekao da nema ko da napravi Budžet? Druga stvar, dvorana kod srednjih škola. Ovo kako sam ja shvatio rečeno je u prihodovnoj strani 500.000 maraka, ja sam to shvatio ali nisam čuo nigdje gdje je u razhodovnoj. Molio bih eto samo to da vidim gdje je na razhodovnoj.

Predsjedavajuća Aida Bašić: Hvala, Senada izvolite.

Senada Alibajraktarević: Da jesam ja rekla da postoji mogućnost da ne budem ali eto eto me tu. Hvala vam što se brinete o meni. Znači što se tiče ima još kolega koji su tu, koji su bili prisutni na tom. Što se tiče razhodovne strane, hvala vam na tom preskočila sam što se tiče razhodovne strane Budžeta, što se tiče tekućih transfera i kapitalnih transfera na razhodovnoj strani Budžeta, ovo izdaci za materijal, sitan inventar i usluge to sam obrazložila, to je kompletna grupa 613. To su putni troškovi, izdaci za energiju, izdaci za uličnu rasvjetu, komunalne usluge, nabavka materijala, registracija, auto gume, goriva, izdaci za tekuće održavanje, rekonstrukcija i održavanje skloništa, hitne mjere, bankarske usluge i da ne nabrajam sve. Sve ovo što vidite na 613 to su izdaci za materijal i usluge. Što se tiče tekućih transfera evo ovako na razhodovnoj strani tekući transferi imamo tekući transferi mjesnim zajednicama već sam u uvodnom izlaganju rekla da je ta

pozicija povećana a ona ne povećana sa 55.000 na 70.000 maraka. Što se tiče transfera pojedinicima sredstva iz Budžeta to postoje dvije pozicije sredstva iz Budžeta ZDK i sredstva iz Budžeta Općine Maglaj. Što se tiče sredstava iz Budžeta ZDK tu smo radili u saradnji sa Ministarstvom za boračka pitanja ZDK budući da je njihov Budžet već bio usvojen i to je planiran iznos od 1.060.000 maraka i to su pozicije uglavnom na pripadnike branilačke populacije to imate i na prihodovnoj strani. Sredstva iz Budžeta Općine Maglaj to već imate da ne obrazlažem sve stavke. Zatim imamo transfer pojedinicima za posebne namjere, tekući transferi neprofitnim organizacijama, udruženja subvencije, tekući transferi kapitalni transferi ovo 615117, 118 i onda imamo račun kapitalnih izdataka. To je pitanje koje sam obrazlaga na prihodovnoj strani a da ostala sam dužna na razhodovnoj. Što se tiče kapitalnih izdataka eksporpijacija i otkup zemljišta to sam vam već rekla da je povećana sa 250.000 na 430.000. sanacija i rekonstrukcija centralnog trga i mosta u Starom Gradu to je onih 600.000 koje imamo na prihodovnoj strani. Vanjsko uređenje Delibegovog hana 2.000 imamo na prihodovnoj strani. Izgradnja javne rasvjete 50.000 maraka, to su sredstva iz Budžeta Općine Maglaj. Ulica Srebreničkih žrtava rata 605.000 maraka, to je 600.000 namjenskih para a 5.000 je iz Budžeta. Poslovna zona Liješnica to je 400.000 to su sredstva od Federacije i sredstva od ZDK. Uklanjanje arhitektonskih barijera u javnim ustanovama 80.000 to ste već imali i na prihodovnoj strani. Izgradnja kružnog toka ulice Viteška, Bosanska, Sarajevska 180.000, to je 140.000 namjenskih i 40.000 naših sredstava. Rekonstrukcija poplavama oštećenih gradskih saobraćajnica 200.000 to su sredstva Vlade federacije. Što se tiče ove nabavke opreme to imate dole hijerarhijski šta je navedeno i znači ovaj Budžet je uravnotežen, ukupni prihodi jednaki su ukupnim razhodima.

Predsjedavajuća Aida Bašić: Hvala Senada. Vijećnik Firuz izvolite.

Vijećnik Firuz Galijašević: Pa mislim da sam bio konkretan, sportska odnosno dvorana kod srednjih škola gdje je u razhodima. Rekli ste da je u prihodima 500.000 zanima me gdje je u razhodima tih 500.000, dvorana kod srednjih škola.

Predsjedavajuća Aida Bašić: Hvala lijepo. Evo dok Senada pronade, znam znam Firuze dugo vodim tako da Senade izvolite.

Vijećnik Senad Šehić: Dakle nije mi sada jasno čemu ovo kratko neko predavanje po stavkama. Dakle nismo tražili da se uopšte obrazlaže svaka stavka. Moguće je da još uvijek se učimo čitati Budžet, moguće vjerovatno nismo ni stručni dovoljno ni kompetentni da tumačimo određene stvari ali valjda imamo pravo postavljati ovdje pitanja. To nam je valjda i primarna neka uloga. Dakle, lijepo ste vi to sve taksativno nabrojali ali ste potvrdili onu našu tezu s početka da nema nikakvih novih kapitalnih projekata, da će se raditi uglavnom sa parama namjenskim koja je nekada skoro prošla vlast obezbjedila i kad ste spomenuli ovih 200.000 maraka Vlade FBiH namjenjenih za rekonstrukciju gradskih saobraćajnica hvala Bogu pa televizija snima. Ja sam spomenuo da stoje ta sredstva u Budžetu i rekao sam da se prebace u nastavak rekonstrukcije Ačeje šetnjice, da se ta sredstva iskoriste za to a ovo što nisam spomenuo kad vidimo svi da ih ima. Tako da ok evo hvala Vam odgovorili ste lijepo i za ovaj iznos koji nismo mogli naći u Budžetu 346.935 KM Federalnog ministarstva prometa i komunikacija, to ste lijepo obrazložili u čemu je problem i na tome Vam hvala. Drago mi je za ova izdvajanja za rekonstrukciju i dodatna ulaganja u vodovod, ja sam samo naglasio dakle imali smo ozbiljan problem ovog ljeta, pa da obratimo na to pažnju. Također kada je otkup zemljišta ja sam samo precizirao tačno koji dio zemljišta da kupimo pa da završimo neke stvari. Nisam uopšte rekao da sredstva nisu planirana. Tako da evo slažem se Nacrt je bio 12 pa 14 dakle neko je obezbjedio te sve milione, pa evo nadam se i ja da će na kraju konačni prijedlog biti dosta veći od samog Nacrta. To je to za sada.

Predsjedavajuća Aida Bašić: Hvala Senade. Senada, izvolite.

Senada Alibajraktarević: Sredstva sportska dvorana 500.000 maraka to je pozicija koja je bila planirana i prošle godine, sredstva su doznačena, nisu utrošena prenešena u narednu godinu i na poziciji su 615117. Eto, tako je bilo i prošle godine isto.

Predsjedavajuća Aida Bašić: Hvala Senada, vijećnik Obralić izvolite.

Vijećnik Adin Obralić: S obzirom da nisam dobio odgovor na postavljena pitanja evo još jednom ću postaviti to pitanje, ja ću formulirati da to obuhvatimo. Pitanje glasi zašto nisu povećani tekući transferi JU Dom zdravlja Maglaj i JU Dječiji vrtić a svim ustanovama su povećani i drugo pitanje je bilo samo da nam objasnite evo lično meni pošto ja to još ne razumijem ovu funkciju 0491 analitički dio 614721 tekući transferi međunarodnim organizacijama koji su to projekti koji će biti finansirani i kojim međunarodnim organizacijama.

Predsjedavajuća Aida Bašić: Hvala Senada, izvolite.

Senada Alibajraktarević: Kada planiramo Budžet znači mi trebamo uravnotežiti prihode i razhode. U ovom Nacrtu Budžeta ostavili smo, planirali smo pozicije ovako kao što vidite sve što imate prijedloga za povećanje pozicija na bilo kojoj poziciji slobodno dostavite u pismenoj formi, razmatrat će se i vidjet ćemo šta će biti dalje ali molim vas kod planiranja povećanja na razhodnoj strani odmah upišite i poziciju na prihodovnoj strani šta povećavate na kojoj poziciji da bi mogao pratiti Budžet, da bi bio uravnotežen. Što se tiče drugog pitanja tekućih transferi međunarodnim organizacijama, to pitanje slobodno dostavite u pismenoj formi i dobit ćete odgovor na koje se organizacije odnosilo za planiranih ovih 100.000 maraka.

Predsjedavajuća Aida Bašić: Hvala lijepo, Obralić izvolite.

Vijećnik Adin Obralić: Zahvaljujem, vrlo rado ću i naravno da ću dostaviti u pismenoj formi sve svoje prijedloge u vezi toga. Zanima me zašto prema vašem mišljenju, zašto nisu povećani transferi Domu zdravlja i Dječijem vrtiću. Zašto su samo te dvije ustanove izostavljene a zašto je ostalim povećano. Mi ćemo svoje prijedloge dostaviti kako mislimo da se poveća i s koje stavke da se skida, s obzirom da smo dobili prijedloge za to. Samo me zanima vaše mišljenje zašto su baš te dvije ustanove samo izostavljene.

Predsjedavajuća Aida Bašić: Prije nego Senada odgovori, vijećnik Firuz pa zatim Arif.

Vijećnik Firuz Galijašević: Opet vezano za ovih 500.000 dvorane ja nisam ni baba Vanga ni Azira koja gleda u kašike da bih ja mogao procijeniti u kojem razhodovnom dijelu ili analitičkom dijelu se nalazi tih 500.000 maraka tako da morao sam pitati jer nigdje ne stoji dvorana.

Predsjedavajuća Aida Bašić: Hvala lijepo, Arif izvolite.

Vijećnik Arif Mujkanović: Nisam mislio se javljati međutim Senkin nastup ponukao me da ipak moram da odgovorim. Njeno izlaganje naimè radi se o sljedećoj izjavi koja je bila nikada načelnik nije izlazio jeste načelnik treba da izade, načelniku se pitanje upućuje. Vi ste Senka državni službenik koji treba viziju načelnika i njegovog načina vođenja da uvedete u zakonite okvire i da uradite da načelnik ne odgovara. Zašto nije povećan Budžet stavke za Dom zdravlja to vi ne morate znati, to se odnosi direktno na načelnika, odnosno onaj koji ima odgovornost prema biračima. Prema tome vi radite ono što je zakonito da uvedete sve Odluke koje je Vijeće donese, da se sprovede na zakonit način a drugo ostaje nama vijećnicima koji nismo stručnjaci za Budžet da nas usmjerite i da nam pomognete. Toliko, hvala.

Predsjedavajuća Aida Bašić: Hvala Arife. Načelnik se javio za riječ međutim postupamo u skladu sa Poslovníkom o radu Vijeća te puštamo za diskusiju prvesntveno vijećnike na samom kraju sigurno načelnik će se obratiti, vijećnik Adis Abudrahmanović.

Vijećnik Adis Abudrahmanović: Ja sam stav Kluba vijećnika SDA iznio na izlaganju po ovoj tački, samo bih želio iskorisiti priliku za razliku od kolega preko puta da pohvalim Senadu Alibajraktarević kako rekoše nismo tražili da toliko opširno. Ja se zahvaljujem što ste toliko opširno i evo stičem utisak da i oni vijećnici koji nisu pročitali Budžet čak i ovi gosti naši ovdje nakon vašeg izlaganja potpuno znaju šta piše u Budžetu. Hvala.

Predsjedavajuća Aida Bašić: Hvala Adise. Da li ima više vijećnika za diskusiju? Ukoliko nema Senada izvolite, načelnik općine izvolite.

Maid Suljaković, Općinski načelnik: Uvažena predsjedavajuća, dopredsjedavajuća, poštovani vijećnici, dragi rukovodioci službi, gosi sve vas srdačno selamim i pozdravljam. Obzirom da sam u

proteklom periodu imao i kritike od strane opozicionog SDP-a kako nisam izlazio za govornicu da debatiram s vama o dokumentima prijedlozima, odlukama koje vi treba da donosite, ja kao Općinski načelnik sam menadžer u općinskim strukturama i moj posao jeste da koordiniram službama i da kreiramo kvalitetnije i bolje usluge našim građanima. Nakon što se pripreme dokumenti ja naravno da neću i nisam ekspert i mene nije sramota da kažem da nisam ekspert imaju stvari koje ja znam jako dobro da radim, puno bolje nego bilo koji drugi od vas ovdje i te stvari ja kada debatiram, debatirama o njima na nekom stručnom nivou. Kada su u pitanju Budžet i te stavke hvala Bogu mi plaćamo osobe koje rade taj posao, ja u te osobe vjerujem i smatram da su izuzetno kvalitetne i mislim da nije bio uredu kolega Firuzé onakav istup jer je povrijedio ljude koji rade u Službi za finansije. Evo Vi ste se ispravili rekli ste na koji način to smatrate ali zaista je zvučalo kao da ponižavamo te ljude. Obzirom da je Senada prezentovala ova tehničke pitanja koja su vas zanimala evo ja ću odgovoriti kolegi Adinu po pitanju povećanja za JU Dom zdravlja mi naravno pratimo budžete drugih ustanova koji su izvorni finansijeri našeg Doma zdravlja to je Zavod za zdravstveno osiguranje i vidjeli smo da su oni povećali budžet za ovu godinu čini mi se za nekih 10 do 12 miliona maraka. Pored toga obzirom da nam nisu iz javne ustanove dostavili konkretno povećanje koliko žele, mi smo ostavili ovu cifru kako bi ste vi vijećnici mogli da radite svoj posao. Ja kao Općinski načelnik i ovo vam sada govorim evo prvi put a tako će biti i naredne četiri godine ne želim da radim vaš posao, vi ste ovdje osobe koje su izabrali građani i vi treba da predlažete. Čuo sam super prijedloga od strane i opozicije i pozicije, čuo sam naravno i populističkih prijedloga koji su bili u prethodnom periodu da se razumijemo, ništa novo ali evo iz ovih prijedloga koji su kvalitetni i korektni mi ćemo, ja ću se zajedno sa službama i za prijedlog potruditi se da one koje je moguće ispoštovati da ih uvrstimo i za prijedloge. Kada je u pitanju iznos sredstava za vrtić, to je pitao i gospodin Damir, evo i Adin je ponovio, obzirom da smo dogovorili da ćemo imati tematsku sjednicu. Dobili smo da naglasim da smo od vrtića dobili iznos sredstava koliko oni zahtjevaju, to je ako se dobro sjećam negdje oko 430.000 nešto malo više. Evo ja sam dobio informaciju od službe da je zahtjev bio na iznos od 430.000, nevezano za to spominjem da su oni poslali svoj prijedlog za povećanje ali obzirom da imamo tematsku sjednicu na kojoj trebamo razmatrati i stvari odnosno vi treba da donesete odluke na navedenoj sjednici da li želite ići u pravcu proširenja kapaciteta vrtića, da li ćete neke druge stvari da uvodite i uopće nije sporno, uopće nije sramota da mi napravimo rebalans Budžeta u tom periodu i da se shodno tome dodijele sredstva za funkcionisanje našeg vrtića. To je jedini zaista argument Adine za vrtić i za ovu javnu ustanovu Dom zdravlja. Apostrofno nikakve političke afinitete nije bilo prema tome ukoliko se pronađu sredstva koja mogu se usmjeriti u ove ustanove mi ćemo sa zadovoljstvom to da uradimo. Eto toliko, hvala vam na diskusijama. Zajedno sa službom ćemo se sigurno potruditi da maksimalno ispoštujemo vaše prijedloge, hvala.

Predsjedavajuća Aida Bašić: Hvala načelniče. Evo ukoliko više nema vijećnika za diskusiju zaključujem raspravu, konstatujem da je rasprava zaista bila efektivna i vjerujem da su iz kompletne rasprave proizašli dobri i kvalitetni prijedlozi i još jednom vas pozivam da prijedloge uputite u pisanoj formi. Sada ćemo staviti Nacrt Budžeta /proračuna Općine Maglaj za fiskalnu 2025. godinu na glasanje, uz prijedlog koji je pristigao od službe da rok za javnu raspravu bude 21 dan. Ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajčić, Edin Salatović, Alen Ridžal, Amer Musić, Eldis Kusunur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

Glasalo protiv: Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinić, Arif Mujkanović, Adin Obralić, Almin Smailović, Senad Šehić (SDP).

Uzdržanih: Kenan Burić (NARIJED BH).

Konstatujem da je Nacrt Budžeta/Proračuna Općine Maglaj za fiskalnu 2025. godinu dobio potrebnu većinu, uz prijedlog da rok za javnu raspravu bude 21 dan.

ZAKLJUČAK

- 1.1. Donosi se Nacrt Budžeta/Proračuna Općine Maglaj za fiskalnu 2025. godinu
- 1.2. Da se javna rasprava provede u roku od 21 dan.

AD – 2: Nacrt Odluke o izvršavanju Budžeta/Proračuna Općine Maglaj za fiskalnu 2025. godinu

Predsjedavajuća Aida Bašić: Prelazimo na tačku 2.a to je Nacrt Odluke o izvršavanju Budžeta/Proračuna Općine Maglaj za fiskalnu 2025. godinu. Da li nam je potreban uvodničar? Želite li? Otvaram raspravu? Da li se neko javlja za diskusiju? Ukoliko nema vijećnika za diskusiju, zatvaram raspravu te Nacrt Odluke o izvršavanju Budžeta/Proračuna Općine Maglaj za fiskalnu 2025. godinu stavljam na glasanje, ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusr, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP).

Uzdržanih: Nema.

Konstatujem da je tačka 2 dobila potrebnu većinu.

ZAKLJUČAK

2.1. Donosi se Nacrt Odluke o izvršavanju Budžeta/Proračuna Općine Maglaj za fiskalnu 2025. godinu.

AD -3: Prijedlog Odluke o privremenom finansiranju Općine Maglaj za period 01.01. – 31.03.2025. godine

Predsjedavajuća Aida Bašić: Prelazimo na tačku 3. Prijedlog Odluke o privremenom finansiranju Općine Maglaj za period 01.01. – 31.03.2025. godine. Da li nam je potreban uvodničar? Ne želite, otvaram raspravu, vijećnik Firuz izvolite.

Vijećnik Firuz Galijašević: Razumijem ovo je procedura i to se mora uraditi, Općina ne bi mogla funkcionisati ako se ne uradi ovo za privremeno finansiranje, međutim i dalje mi je nejasno da su mnoge Općine uspjele do Nove godine završiti Budžet i izglasati. Nije mi jasno zašto naša Općina nije uspjela. Hvala.

Predsjedavajuća Aida Bašić: Hvala Firuze. Vijećnik Smailović pa vijećnik Kusr.

Vijećnik Almin Smailović: Klub vijećnika SDP-a Maglaj će podržati Odluku o privremenom finansiranju za period 01.01.-31.03.2025.godine. Glavni razlog je odgovornost prema građanima, svim uposlenicima koji primaju platu iz općinskog Budžeta i svima onima koji bi na bilo koji način uskratili prava ne donošenjem ove Odluke. Odluka o privremenom finansiranju na današnjem Dnevnom redu je neopravdana. Prema nama dva su razloga kojom bi se ova Odluka mogla opravdati. Prvi razlog je nedovoljan vremenski period za provođenje procedure vezano za Budžet. Svjedoci smo da su neke Općine usvojili Budžete, što je svakako i naša Općina mogla da

se krenulo ozbiljno i na vrijeme. Napominjem da je koalicija potpisana 29.10.prije dva mjeseca, što je dovoljan vremenski period za provođenje kompletne procedure vezano za Budžet. Dva nepostojanje većine u Općinskom vijeću znamo da je koalicioni sporazum za mandatni period 2024.-2028.potpisan i njega čine SDA 9 mandata, DF 2 mandata, PDA 1, SNAGA NARODA 1 i BH ZELENI 1, što svakako govori da postoji parlamentarna većina unutar Vijeća. Očigledno da interesna koalicija napravljena oko SDA nije bila u stanju provesti na vrijeme procedure vezano za Budžet, jer je u periodu poslije izbora bilo važnije kako podijeliti pozicije, odnosno resurse općine. Današnja 2.redovna sjednica je već pokazatelj da određeni članovi koalicije ispostavljaju svoje lične interese i jasan pokazatelj šta je cilj za ulazak u koaliciju. Klub vijećnika SDP-a Maglaj će pratiti rad koalicije javno i transparentno i iznositi činjenice sa ciljem očuvanja i zaštite javnih resursa i građana općine Maglaj. Sve odluke koje su u interesu građana ćemo podržati kao što je slučaj sa Odlukom o privremenom finansiranju. SDP Maglaj kao najjača partija u Vijeću ima odgovornost i obavezu da iznosi i javno zastupa stavove koji su u interesu građana i da kritikuje negativne političke procese.

Predsjedavajuća Aida Bašić: Hvala lijepo. Vijećnik Kusr izvolite.

Vijećnik Eldis Kusr: Ja vas sve selamim i pozdravljam i prvi put izlazim i želim vam ugodan i dobar rad. Znam snima kamera ali bili stvarno kolege vi što pričate stvarno je neutemeljeno i naprotiv pod navodnicima smiješno. Imali ste vlast od 2016.-2020. godine zašto niste usvojili Budžet 2020. godine kada su bili izbori i vama se donijela Odluka o privremenom finansiranju za 2021. godinu. Zašto niste vi imali ste vlast četiri godine i zašto niste vi usvojili Budžet u 2020. godini, ovo je normalan slijed okolnosti, nemojte popularizirati, politizirati. Načelnik je bio krajnje korektan. Vi sada da nama držite predavanja o koalicijama, mi smo po prvi put koalicija koja će raditi časno i pošteno. Vi se bavite sobom i svojim poslom a nemojte se baviti nama. Imali ste priliku osam godina, sada je došao neko drugi na vlast umjesto vas i mi ćemo voditi svoju politiku. Načelnik je u svojoj disusiji pružio ruku, znači korektan je bio a vaš Bogami načelnik nikad nam nije htio ništa odgovoriti. Imali smo mi Nacrte i protekle četiri godine, pa nikad , vi se smijali nama i sad ste se malo ohrabрили. Od vas 16 koji su bili u tom mandatu, ja ne znam da su dvojica za četiri godine izašla čestito za govornicu. Imate pravo izaći za govornicu kao i svi građani su nas izabrali za ovo ali ne mogu slušati nebuloze koje iznosite za govornicom i jednostavno radi javnosti, radi kamere mislite da ste frajeri.

Predsjedavajuća Aida Bašić: Hvala lijepo, vijećnik Firuz izvolite replika.

Vijećnik Firuz Galijašević (replika): Pa moram repliku zato što vijećnik Kusr pominje 2020.godinu, to je godina onog nevidljivog neprijatelja, zvana korona. Kada su izbori čini mi se bili u 11. mjesecu, 15.11. a mi smo mandate dobili 15.12. kako smo ikako mogli 2020.godine donijeti Budžet za 2021. godinu, do kraja godine. Mislim samo to, ništa više.

Predsjedavajuća Aida Bašić: Hvala lijepo, vijećnik Arif izvolite

Vijećnik Arif Mujkanović: Klub SDP-a je rekao da će podržati Budžet, ne Budžet nego ovu Odluku o privremenom finansiranju ali uloga opozicije je kolega da kritikuje zašto se nije uradilo. Molim vas da to uvažavate. Sjetite se i vi ali nemojte frajer ja lično jesam, za razliku možda od Vas u nekom prijašnjem periodu, doživili ste i vi puno puta nekih ovako pomalo savijanja leđa, za razliku od nas.

Predsjedavajuća Aida Bašić: Hvala, vijećnik Kusr replika.

Vijećnik Eldis Kusr (replika): Pa nećemo, samo ako Bog da mi ćemo Budžet usvojiti u januaru i to je to u februaru i to je to.

Predsjedavajuća Aida Bašić: Hvala, vijećnik Abdurahmanović izvolite.

Vijećnik Adis Abdurahmanović: Nemojte molim vas, budite korektni, nemojte gledati kamere i uzimati političke poene, nemojte pričati o ličnim interesima prije vremena jer ako budemo pričali o ličnim interesima Bogami ima se puno pričati i u prošlom mandatu i u ovom. Nemojte da pričamo o zapošljavanju i vijećnika i supruga i familije i rodbine. Nemojte molim vas budite korektni.

Predsjedavajuća Aida Bašić: Hvala. Vijećnik Smailović izvolite. Molim vas da se diskusija svede na tačku 3 a to je Prijedlog Odluke o privremenom finansiranju Općine Maglaj za period 01.01. – 31.03.2025. godine

Vijećnik Almin Smailović: Mislim da smo skrenuli malo s teme. Opozicija ima pravo da kritikuje i da iznosi svoje mišljenje. Ne vidim onaj da se trebamo ljutiti zbog toga. Opozicija ako išta od opozicije prilikom kritika pozicija usvoji i bude korisno nama će to biti veoma drago a parlamentarna demokratija je gospodo prisutna i imamo pravo iznositi svoje mišljenje, birani smo od strane građana i nemojte nam ovdje čitati lekcije kada mi trebamo izlaziti za govornicu i kada ne trebamo. Ja ću izaći za govornicu i reći šta smatram da treba da kažem i nemojte da idemo u tom smjeru i to je to.

Predsjedavajuća Aida Bašić: Hvala lijepo. Da li ima još diskutovanata? Ukoliko nema zatvaram raspravu i tačku 3 stavljam na glasanje, ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajčić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

Glasalo protiv: Nema.

Uzdržanih: Nema.

Konstatujem da smo jednoglasno usvojili Prijedlog Odluke o privremenom finansiranju Općine Maglaj za period 01.01. – 31.03.2025. godine.

ZAKLJUČAK

3.2. Donosi se Odluka o privremenom finansiranju Općine Maglaj za period 01.01. – 31.03.2025. godine.

AD –4: Prijedlog Odluke o utvrđivanju vrijednosti boda komunalne naknade za 2025. godinu

Predsjedavajuća Aida Bašić: Prelazimo na tačku 4. a to je Prijedlog Odluke o utvrđivanju vrijednosti boda komunalne naknade za 2025. godinu. Da li nam je potreban uvodničar. Želite li? Ne želite, otvaram raspravu. Da li se neko javlja za diskusiju? Ukoliko ne javlja, zatvaram raspravu, te Prijedlog Odluke o utvrđivanju vrijednosti boda komunalne naknade za 2025. godinu stavljam na glasanje. Ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajčić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

Glasalo protiv: Nema.

Uzdržanih: Nema.

Konstatujem da smo jednoglasno usvojili tačku 4.

ZAKLJUČAK

4.1. Donosi se Odluka o utvrđivanju vrijednosti boda komunalne naknade za 2025. godinu

AD – 5: Prijedlog Odluke o izmjeni Odluke o prodaji nekretnine neposrednom pogodbom Društvu za savjetovanje, usluge i trgovinu „AICOMP“ d.o.o. Maglaj i „Natron-Hayat“-u d.o.o. Maglaj, radi oblikovanja građevinske parcele

Predsjedavajuća Aida Bašić: Prelazimo na tačku 5. a to je Prijedlog Odluke o izmjeni Odluke o prodaji nekretnine neposrednom pogodbom Društvu za savjetovanje, usluge i trgovinu „AICOMP“ d.o.o. Maglaj i „Natron-Hayat“-u d.o.o. Maglaj, radi oblikovanja građevinske parcele. Otvaram raspravu, da li je potreban uvodničar? Nedžade, izvolite.

Nedžad Ćatić: Poštovani vijećnici, Prijedlog Odluke o izmjeni Odluke o prodaji nekretnine neposrednom pogodbom Društvu za savjetovanje, usluge i trgovinu „AICOMP“ d.o.o. Maglaj i „Natron-Hayat“-u d.o.o. Maglaj, odnosi se na sljedeće. Ta Odluka je donesena u aprilu ove godine, gdje se neposrednom pogodbom prodaje zemljište ovim dvjema firmama. To je gore gdje je bio radio Maglaj stari. U toj Odluci u članu 3 piše da će Ugovor ispred Općine sklopiti Općinski načelnik Mirsad Mahmutagić, znači izmjenjena je samo u tom dijelu gdje se ime i prezime briše. Znači, ostaje samo Općinski načelnik. ova firma nije sklopila, ustvari ove dvije firme nisu uspjele sklopiti Ugovor sa Općinom Maglaj iz razloga zato što Natron Hayat nije mogao, nisu imali koliko je mkeni poznato, nisu imali suglasnost koju trebaju dobiti iz Turske. Sada su te saglasnosti prikupili i sad se može napraviti taj ugovor, tako da znači Općinski načelnik može i on da potpiše. S tim da se mora izmijeniti to ime i prezime, samo da piše Općinski načelnik a ne Općinski načelnik Mirsad Mahmutagić. To je sva suština.

Predsjedavajuća Aida Bašić: Tehnička ispravka. Hvala Nedžade. Da li se neko javlja za diskusiju po ovom pitanju. Ukoliko nema diskutana, zatvaram raspravu te tačku 5. stavljam na glasanje, ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

Glasalo protiv: Nema.

Uzdržanih: Nema.

Konstatujem da smo jednoglasno usvojili ovaj prijedlog Odluke.

ZAKLJUČAK

5.1. Donosi se Odluka o izmjeni Odluke o prodaji nekretnine neposrednom pogodbom Društvu za savjetovanje, usluge i trgovinu „AICOMP“ d.o.o. Maglaj i „Natron-Hayat“-u d.o.o. Maglaj, radi oblikovanja građevinske parcele

AD – 6: Prijedlog Odluke o pristupanju djelimičnoj izmjeni Regulacionog plana Centar Maglaj-Sjeverni dio“ po inicijativi Privrednog društva „ALU WOOD INŽINJERING“ doo

Predsjedavajuća Aida Bašić: Prelazimo na tačku 6. a to je Prijedlog Odluke o pristupanju djelimičnoj izmjeni Regulacionog plana Centar Maglaj-Sjeverni dio“ po inicijativi Privrednog društva „ALU WOOD INŽINJERING“ doo. Da li nam je potreban uvodničar, da Nedžade izvolite.

Nedžad Ćatić: Prijedlog Odluke o pristupanju djelimičnoj izmjeni Regulacionog plana Centar Maglaj-Sjeverni dio“ je ispred Općine Maglaj gdje je Općinski načelnik pokrenuo ovaj zahtjev na

inicijativu Privrednog društva „ALU WOOD INŽINJERING“ d.o.o. Ovdje se radi o prijedlogu za izmjenu Regulaionog plana na dijelu općinskog zemljišta između hotela i Doma kulture. izmjenom bi se na tom dijelu predvidio parking prostor, javni parking prostor sa ulazom iz ulice Sulejmana Omerovića Cara. To je to.

Predsjedavajuća Aida Bašić: Hvala Nedžade. Otvaram raspravu, vijećnik Firuz se javio za riječ pa izvolite.

Vijećnik Firuz Galijašević: Samo jedno brzinsko pitanje. Da li je ovo, ova procedura u skladu sa zakonom, pitanje je za službu.

Predsjedavajuća Aida Bašić: Hvala lijepo. Vijećnik Damir izvolite.

Vijećnik Damir Bašić: Od mene isto jedno pitanje, ali prije toga moram napraviti jedan kratki uvod. Pošto na ovom mjestu ima ljetna bina, mi je zovemo u Domu kulture ljetna bina na kojoj su se održavale Studentska ljeta unazad godina i godina. Pa između ostalog Revija Urbane kulture, raznorazni koncerti, ne znam uglavnom bilo je događaja. Dom kulture je u proteklom periodu imao ideje kako da napravi tu ljetno kino, no međutim s ovim parkingom ovdje koji dolazi skroz do kina ako mogu da vam pokažem, ovdje otprilike dođe kino, ovdje ima protupožarni izlaz iz kina. Kino je kapaciteta 257 mjesta, ovdje postoji toplotna pumpa koja nije u funkciji od poplave ali o tome ćemo vjerovatno drugom prilikom. Ispravna je ali nije u funkciji i ovdje ima otvor, ustvari nikad nije ni pokrenuta. Ovdje ima otvor od podruma na koji mi uposlenici ubacujemo pelet, tako da ovdje imaju hajmo reći 3 neka izlaza i interesuje me šta bi bilo sa ovom ljetnom binom pored toga što bi se ovo sve zatvorilo, šta bi bilo sa ljetnom binom. Da li ona uopšte ima više ikakve funkcije?

Predsjedavajuća Aida Bašić: Hvala. Nesib vijećnik izvolite.

Vijećnik Nesib Serhatlić: Evo ja ću odgovoriti na neka pitanja kolega iz SDP-a. Predstavnik službe je u svom obrazloženju naveo da je to parking. Mislim to je djelimično obrazloženje, prije svega trenutno stanje tog zemljišta i tog mjesta šta imamo, imamo blato, nemamo ništa. Slažem se da ima tamo i bina i ideja ova ideja koju je investitor kapitalnog projekta koje ste gospodo vi podržali i vaš načelnik i na tome vam se zahvaljujem prije 4 godine. Sada je nastavak je da se taj projekat završi, da se pusti u funkciju i mi imamo podršku i novog načelnika, prema tome ovdje je ideja bila da se upravo ono što je sada kolega Damir govorio, ideja investitora je da se upravo tu na tom prostoru neka je to parking prostor da se održavaju manifestacije Studentsko ljetno na otvorenom prostoru. Kada nam je u augustu mjesecu temperatura u dvorani zaista neizdrživa. Imamo svu infrastrukturu, imamo prostor koji će biti ureden a to što je tu parking, umjesto auta taj dan ili ta dva-tri dana se postavljaju stolice, postavi se montažna bina i sve to ide svojim tokom i nije to samo parking. Pogledajte vi tu imate u lijevom donjem uglu na ulazu imate predviđeno dječije igralište, znači gdje će roditelji dolaziti znači imat će hotel i resotran s lijeve strane, imat će gdje da djeca borave dok oni popiju piće, kafu itd. Vidite imate i zelenilo, sve ovo što je označeno sa zelenim krugovima, to je trava zeleni pojas a dole imamo hotelski park s lijeve strane, sa fonatnom i sa svim. Zaista taj prostor investitor želi da uredi na najljepši mogući način i ja ne vidim razloga za protivljenje ovakvom mislim jednom grandioznom projektu, koji unazad 10-15 godina je najveći projekat poslije investicije Natrona u Maglaju i zaista evo mislim nisu mi jasne te neke sumnje kada zaista investitor je sa čistim namjerama, časnim namjerama krenuo u ovaj projekat. Želimo da privedemo kraju to i želimo da hotel ako Bog da proradi sljedeće godine 2025. godine u aprilu mjesecu, kako bi svima nama, svim građanima pružio mjesto za okupljanja, mjesto za provode i sve ostale aktivnosti koje sada trenutno nema niko u Maglaju. Zahvaljujem.

Predsjedavajuća Aida Bašić: Hvala lijepo, vijećnik Damir, pa vijećnik Firuz.

Vijećnik Damir Bašić: Ja stvarno mislim da vi mene i prošli put na sjednici ste lično shvatili ali nema razloga. Ja se vama uopšte nisam protivio za ovaj projekat, ovo koliko sam ja shvatio gospodina Nedžada, ovo je javni parking je li tako. Nisam se uopšte protivio ni vama ni vašem radu, bez imalo sumnje nego sam samo pitao zašto će služiti ljetna ta bina u slučaju da budu auta i

ostala pitanja su moja bila protivpožarni izlaz, toplotna pumpa i ulaz od podruma. Ništa više, ja se Vama nisam uopšte protivio.

Predsjedavajuća Aida Bašić: Hvala, vijećnik Firuz izvolite.

Vijećnik Firuz Galijašević: Jesmo podržali prije četiri godine što se tiče izgradnje kompleksa hotela i nije nam žao, potrebno je, međutim ovo kako vidimo kad-tad će doći do cokla Doma kulture a sve zbog nekog recimo parkinga, za kojeg se tvrdi da Maglaj je u deficitu parkinga. Ja mislim da je Maglaj grad sa najviše parking mjesta u regionu. Možemo redom one koji se neplaćaju od parkinga u Srebreničkih žrtava rata pored Gradskog groblja, parking kod dvorane, parking kod Gradskog parka novog, parking ovaj iza Biora novi sa onim dijelom sve do Doma kulture, parkinzi kod lamele, T objekata, da ne pominjemo parkinge koji se naplaćuju, parking kod Općine, istočni sjeverni, istočni i zapadni dio Tržnog centra parkinzi, parkinzi kod trgovačkih centara i Konzuma i Mega diskonta i Binga na stanici. Imamo mi parkinga, razunijemo mi da je to sve bitno zbog privrede i mi u SDP-u smo tu da pomognemo privredu i privrednicima jer znamo svi da privrednici pune Budžet Općine Maglaj između ostalog. Privrednici svojim plaćanjem svojih obaveza pune i naš Budžet u Maglaju. Šta ako ne plaćaju, šta onda? Eh onda se desi slučajevi dese se slučajevi poput Alispahić Safeta iz Šehera koji je radio 2001.godine do 2015.godine, završio je radni odnos sa 42 godine staža. Radio je u Primus d.o.o. Maglaj, otišao je u penziju 2017.godine u minimalnu penziju po povoljnijim uslovima vojnu poznatu. Mogao je otići 2013.godine u starosnu penziju, zagrantovanu koja je veća od minimalne skoro 150 maraka, mogao je četiri godine manje otići da mu je bio uplaćen radni staž ali nije, otišao je 2017.godine tek u penziju. Drugi slučaj neću govorit ime, čovjek radi od...

Predsjedavajuća Aida Bašić: Firuze, molim vas da se držite tačke Dnevnog reda, ovo jedno ste već spomenuli molim Vas.

Vijećnik Firuz Galijašević: Ovo je sve vezano, drugi slučaj je radio čovjek naizmjenično u firmama Primus i ALLU WOOD, od 2000.-2012.godine čovjek iduće godine, neću spominjati njegovo ime zato što će on pokušati još jednom ubijediti vlansika Primusa, odgovorno lice ili pravnog nasljednika kako god da mu se izvrše uplate doprinosa da bi mogao otići u penziju, polovinom iduće godine. Ispunjava uslove samo ako mu bude uplaćen staž. Da to ne laže, to vam govori i pregled poreznih obveznika sa iznosom duga po osnovu poreza, doprinosa, taksi i drugih naknada preko 50.000 KM na dan 30.9.2024.godine to je na stranici Federalne porezne uprave gdje na broju 109 stoji Primus d.o.o. sa dugovanjima od 2.304.897,01 maraka.

Predsjedavajuća Aida Bašić: Hvala Vam na tim informacijama ali zaista ne vidim povezanost sa tačkom o kojoj trenutno pričamo, molim Vas da se vratite na diskusiju vezano za tačku koja je na Dnevnom redu. Evo pustila sam Vas, stvarno ste se daleko odmakli, sad izvolite da završite.

Vijećnik Firuz Galijašević: Razlog za vijećničku inicijativu sa 1.redovne sjednice Vijeća, pročitat ću šestu stavku koju sam iznio tada u toj inicijativi a ona kaže ovako: Između ostalog dokaz da investitor ima izmirene poreske i druge obaveze prema institucijama Općine i države, računajući na neizmirene obaveze pristekle u prethodnim periodima ukoliko je investitor bio odgovorno lice ili vlasnik pravnog subjekta koje je izbrisano iz Sudskog registra ili je pokrenut postupak likvidacije i stečaja pravnog subjekta. Evo završavam još samo jednom rečenicom, zato tražim od većine od 9 vijećnika SDA, okupljenih sa interesnim skupinama da odbace ovaj prijedlog, a da ne prihvate ovu djelimičnu izmjenu Regulacionog plana u protivnom postoji mogućnost krivičnih prijava.

Predsjedavajuća Aida Bašić: Vijećnik Mešić, zatim Burić a nakon toga Abdurahmanović.

Vijećnik Mirza Mešić: Evo ovako pozdravit ću sve vijećnike i ostale goste i načelnika, mislio sam da ne-izlazim međutim kolega Firuz me ponukao pa ga pitam kolega Firuze u prethodne četiri godine koliko ste puta digli Vašu ruku za isto što ste sada nabrojali firmu. Zašto niste u prethodne četiri godine to iznijeli, zašto ste čekali ovo sada da iznesete a dizali ste ruku evo ako može Adi da spusti samo malo fotografiju dole, pa da pogledate gore kod bine koliko je prostora ostalo. Neće ni ovdje, ovo je samo pokretanje procedure, gospodine Firuze ja isto nisam znao ovo što je gospodin

Damir iznio da postoji ovamo određeni, ovo je pokretanje procedure gdje će biti javna rasprava, gdje će biti Načrt, gdje će se iznijeti Prijedlog. Ne mora da znači da će da ostane ovako, samo mi odgovorite zašto niste to tada, zašto sada pokrećete. Vi ste digli ruku za hotel, odgovorite na pitanje.

Predsjedavajuća Aida Bašić: Hvala lijepo, Firuz replika, odgovor izvolite.

Vijećnik Firuz Galijašević (replika): Pa samo da odgovorim da sam tek dobio te informacije šta drugo.

Predsjedavajuća Aida Bašić: Hvala, replika Mešić.

Vijećnik Mirza Mešić (replika): Ja imam drugu informaciju kolega Firuze da ste vi ovo držali u ladići možda 7-8 godina ali niste smjeli od svog šefa da izađete za govornicu, je li to istina?

Predsjedavajuća Aida Bašić: Hvala lijepo, vijećnik Burić.

Vijećnik Kenan Burić: Što se tiče izgradnje ovog samog parkinga ja ne vidim ovdje nikakvu...slažem se s kolegom Damikom u vezi stvari koje je iznio ali se slažem isto sa gospodinom Nesibom da je jako bitno da hotel ima parking mjesto koje će naravno gospodin Nesib uslužiti ako bude kakva predstava kao što Damir govori da se održavaju razni koncerti nikakav problem, sad smo to pričali, gospodin Nesib s tom činjenicom, da ja ovdje stvarno ne vidim nikakav problem. Hvala.

Predsjedavajuća Aida Bašić: Vijećnik Abudrahmanović pa ćemo nastaviti sa Mešićem i Firuzom.

Vijećnik Adis Abdurahmanović: Ja ću zahvaliti kolegi Buriću upravo sam to htio iznijeti i zahvalit ću se kolegi Damiru na ovim informacijama i kao što je rekao kolega Burić doći ćemo i mi do toga. ovo je samo pokretanje procedure. Tražio bih od načelnika, neću se više ostanjati na odgovarati, tražio bih od načelnika da nam pripremi služba ili ko već prethodnih 4 ili 8 godina sve one izmjene Regulacionih planova koje je sadašnja opozicija podržala bez ikakvog pogovora, samo ako se može pripremiti da dobijemo svi vijećnici da vidimo to.

Predsjedavajuća Aida Bašić: Replika vijećniku Adisu gospodin Šehić izvolite.

Vijećnik Senad Šehić (replika): Ja mislim da mi nismo dobili odgovor na prvo pitanje koje je postavljeno dakle i ja ću evo isto prvo reći u svoje ime. Sve u prethodnom mandatu što nam je dolazilo od strane investitora na Vijeće sve sam podržao kao i moje kolege, kao uostalom dobar dio Vijeća je podržavao sve značajane projekte koje su od interesa za općinu Maglaj pa i sam hotel naravno koji je jedna od najvećih stvari koje smo dobili u posljednje vrijeme ali se pitanje ovaj put odnosi to se prije svega i replika jednim dijelom odnosi na kolegu Mešića. Dakle, gdje smo bili tu sve te godine bili smo tu gdje smo bili ali je sada u ovoj situaciji investitor sjedi u Vijeću. dakle, zato je naš kolega Firuz Galijašević postavio to pitanje za službu.

Predsjedavajuća Aida Bašić: Hvala, replika Mešić.

Vijećnik Mirza Mešić (replika): Prvo na kolegu Burića, kolega Burić je rekao da će gospodin predstavnik firme to dozvoliti, ja koliko znam ovo je javna imovina znači opet će Općina dozvoliti ili neće kada se bude šta organizovalo. Drugo, kolega Šehiću to znači ako je privrednik se našao ovdje kao vijećnik nema pravo da podnese određenu inicijativu da nešto radi u ovom gradu. Samo malo Vi ste sada rekli kosi se, kakve to veze da li ima ili nema. Vi ste više duplo projekata u prethodnih 8 godina podržali za ovog investitora i u čemu je problem što je sada?

Predsjedavajuća Aida Bašić: Replika Firuz.

Vijećnik Firuz Galijašević (replika): Da se vratim na ono prvo moje pitanje koje je bilo upućeno službi. Znači, nisam tražio ni opširno objašnjenje nego samo da li je u skladu sa zakonom, da ili ne?

Predsjedavajuća Aida Bašić: Na to pitanje odgovorit će šef. Sačekat ćemo da vi izdiskutujete pa će šef izaći da odgovori na postavljeno pitanje. Vijećnik Samilović, zatim vijećnik Serhatlić.

Vijećnik Almin Smailović: Da ne bi ulazili u ove priče šta se radilo četiri prethodne godine, šta se radilo osam godina. To ako je bilo grešaka to vam nije opravdanje ako smo nešto mi usvojili tobože da morate i vi griješiti. Recimo hipotetički, Mirza nije ništa smiješno, ja hoću da kažem da su građani recimo izabarali ovaj put promjene je li tako? Oni žele promjene u svakom smislu ne možete reći radilo se nešto ovako pa ćemo mi nastaviti. Vi trebate sada raditi drugačije recimo ako su građani tražili promjene ako nisu onda radite isto, onda to nije nikakva promjena.

Predsjedavajuća Aida Bašić: Vijećnik Serhatlić pa zatim vijećnik Galijašević.

Vijećnik Nesib Serhatlić: Ja zaista moram odgovoriti gospodinu Firuzu Galijaševiću na ove njegove kako bih bih nazvao gnusne insinuacije i stvari koje nemaju veze sa tačkom Dnevnog reda. Kakve veze ima poslovanje Primusa, firme koja posluje od 96 godine sa građnjom hotela, sa zahtjevom investitora da se izmijeni djelimično plan, nikakve veze nema. Ja moram ovog puta da dam primjedbu predsjedavajuća ako nije, ako diskusija nije na temu koja se obrađuje mora se oduzeti riječ. Stvarno iznositi te stvari, iznositi te nebuloze koje nemaju veze sa tačkom Dnevnog reda, naravno da niko Firuze neće ni iz Općine niti Općinski načelnik, službe ništa izdati ono što nije u skladu sa zakonom i za što nije plaćena određena naknada ili rente ili uređenje ne znam ja već šta ili porez. To stvarno, te takve konstatacije i tvrdnje iznositi, šta briga vijećnika vezana za ovaj to što vi iznosite, stvarno mislim uzimate nam dragocjeno vrijeme. Imamo dosta važnijih stvari da rješavamo, da donosimo Odluke a mi s bakćemo oko nekih nebuloza i nebitnih stvari, zahvaljujem.

Predsjedavajuća Aida Bašić: Hvala lijepo. Vijećnik Firuz izvolite.

Vijećnik Firuz Galijašević: Znači, još jedno pitanje za službu pitanje je ko može podnijeti inicijativu za izmjenu Regulacionog plana kada je vlasništvo zemlje vlasništvo javne ustanove ili Općine. Da li to podnosi samo vlasnik zemljišta, Općina ili vlada ili može podnijeti bilo ko. Bilo ko može podnijeti inicijativu za izmjenu Regulacionog plana. To je pitanje konkretno.

Predsjedavajuća Aida Bašić: Hvala lijepo, načelnik izvolite.

Maid Suljaković, Općinski načelnik: Obzirom, da se ovdje par puta govorilo da li je nešto u skladu sa zakonom, mislim da je ovaj naziv tačke jasno pokazuje da ovdje nema nikakvih skrivenih namjera. Općina Maglaj je mogla podnijeti sama inicijativu za izmjenu Regulacionog plana, nego je fer stavila da je to na osnovu inicijative od strane investitora. Ovaj put je to investitor koji sjedi u Vijeću, sutra će to biti neki drugi investitor. Izmjene Regulacionog plana sve koje prođu zakonsku proceduru su i zakonite i općinska služba na osnovu njihove adekvatne struke koja se veže za urbanizam itd. treba da donesu stav Općinskom vijeću a onda vi kao vijećnici sve te prijedloge ovdje oborite, da ne prođe i da se ne realizuje nešto. Zbog toga sam ja i govorio vi treba da snosite odgovornost a ja kao Općinski načelnik neću pogodovati niti jednom investitoru, pa ni onom ko sjedi u Vijeću, ni onom izvan toga ali će službe raditi svoj posao za koje su plaćene a to je da pripreme po zakonu dokument koji dolazi do vas, na vama je da procijenite da li je to u tom trenutku potrebno Maglaju ili nije potrebno. Mislim da svako treba da snosi svoju dozu odgovornosti kao što sam rekao ovdje je jasno navedeno da je to po inicijativi privrednog društva, oni ne mogu podnijeti zahtjev za izmjenu zato što nisu vlasnici nego Općina može. Da smo mi imali bilo kakve skrivene namjere poslala bi Općina zahtjev za izmjenu ali toga u mom mandatu koliko ga god bude, neće biti pogodovanja bilo kome niti će bilo kakvih protuzakonitih stvari jer ja tako ne funkcionišem, ja tako ne živim i to neću dozvoliti nikom, prvo da mi imputira da mi bilo koje stvari radimo protuzakonito. Ja čitav život živim u zakonskim normama, moralno koliko mogu, naravno uz greške kao i svi mi ali da ću kršiti zakon zbog bilo koga ja nikada neću. Eto, hvala.

Predsjedavajuća Aida Bašić: Hvala načelniče. Ima li potrebe da šef službe odgovori? Mislim da je načelnik jasno odgovorio na pitanje, ukoliko želite i šef može odgovoriti. Nema potrebe, hvala.

Pauza na zahtjev Kluba SDP-a. Nastavljamo dalje, da li Klub SDP-a ima stavza iznijeti, izvolite.

Vijećnik Adin Obralić: Evo ovako nakon pauze mi ćemo iznijeti svoj stav nakon čega više se nećemo javljati za diskusije. Naš stav je sljedeći, zbog sumnje na mogući sukob interesa i trgovinu uticajem Klub vijećnika SDP-a neće podržati ovu tačku. Hvala.

Predsjedavajuća Aida Bašić: Hvala lijepo. Ukoliko nema više diskutanata, zaključujem raspravu te tačku 6. Stavljam na galsanje, ko je za, uz provođenje redovne procedure.

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

Glasalo protiv: Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Šmailović, Senad Šehić (SDP)

Uzdržanih: Nema.

Konstatujem da je tačka 6. dobila potrebnu većinu.

ZAKLJUČAK

6.1. Donosi se Odluka o pristupanju djelimičnoj izmjeni Regucionog plana Centar Maglaj-Sjeverni dio" po inicijativi Privrednog društva „ALU WOOD INŽINJERING“ doo

AD – 7: Prijedlog Odluke o davanju ovlaštenja punomoćniku za zastupanje Općinskog vijeća Maglaj na Skupštini „KJD“ d.o.o. Maglaj

Predsjedavajuća Aida Bašić: Prelazimo na tačku 7. Prijedlog Odluke o davanju ovlaštenja punomoćniku za zastupanje Općinskog vijeća Maglaj na Skupštini „KJD“ d.o.o. Maglaj. Otvaram raspravu, da li vam je potreban uvodničar? Nije. Vijećnica Armina izvolite.

Vijećnica Armina Mustabašić: Želim prvo da vas sve pošelamim i da vas pozdravim. Klub vijećnika SDA se slaže sa ovom Odlukom o davanju ovlaštenja punomoćniku za zastupanje Općinskog vijeća Maglaj na Skupštini „KJD“ d.o.o. Maglaj, te dajemo punu podršku i povjerenje punomoćniku gospodinu Ferhату Bradariću. Pošto su tačke 7 i 8. Dnevnog reda vezana jedna za drugu odmah da kažem da Klub vijećnika SDA predlaže da punomoćnik državnog kapitala na Skupštini glasa za Odluku o usvajanju revizije, finansijskog izvještaja Komunalnog javnog društva za 2023. godinu. Hvala.

Predsjedavajuća Aida Bašić: Hvala lijepo. Da li ima još diskutiranih? Ukoliko nema stavljam na glasanje tačku 7. Prijedlog Odluke o davanju ovlaštenja punomoćniku za zastupanje Općinskog vijeća Maglaj na Skupštini „KJD“ d.o.o. Maglaj gospodin Bradarić je u pitanju, ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Šmailović, Senad Šehić (SDP), Kenan Burić (NARIJED BH).

Glasalo protiv: Nema.

Uzdržanih: Nema.

Konstatujem da smo jednoglasno usvojili ovu tačku.

ZAKLJUČAK

7.1. Donosi se Odluka o davanju ovlaštenja punomoćniku za zastupanje Općinskog vijeća Maglaj na Skupštini „KJD“ d.o.o. Maglaj

AD – 8: Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o usvajanju Revizije finansijskog izvještaja za 2023. godinu

Predsjedavajuća Aida Bašić: Prelazimo na tačku 8. to je Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o usvajanju Revizije finansijskog

izvještaja za 2023. godinu. Da li vam je potreban uvodničar? Nije, otvaram raspravu, da li se neko javlja za diskusiju? Ne javlja, zatvaram raspravu te tačku 8.stavljam na glasanje, ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

Glasalo protiv: Nema.

Uzdržanih: Nema.

Konstatujem da smo jednoglasno usvojili ovu tačku.

ZAKLJUČAK

8.1. Donosi se Odluka o davanju saglasnosti punomoćniku državnog kapitala za glasanje o prijedlogu Odluke o usvajanju Revizije finansijskog izvještaja za 2023. godinu

AD – 9: Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o pokriću gubitka za 2023. godinu

Predsjedavajuća Aida Bašić: Prelazimo na tačku 9. Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o pokriću gubitka za 2023. godinu. Da li nam je potreban uvodničar? Otvaram raspravu, da li se neko javlja za diskusiju? Zatvaram diskusiju, te tačku 9.stavljam na glasanje, ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

Glasalo protiv: Nema.

Uzdržanih: Nema.

Konstatujem da smo jednoglasno usvojili ovu tačku.

ZAKLJUČAK

9.1. Donosi se Odluka o davanju saglasnosti punomoćniku državnog kapitala za glasanje o prijedlogu Odluke o pokriću gubitka za 2023. godinu

AD – 10: Prijedlog Rješenja o imenovanju Kolegija Općinskog vijeća Maglaj

Predsjedavajuća Aida Bašić: Prelazimo na tačku 10. a to je Prijedlog Rješenja o imenovanju Kolegija Općinskog vijeća Maglaj. Obradivač je gospoda Hasanić, ukoliko treba neko obrazloženje. Ne treba, otvaram raspravu da li se neko javlja za diskusiju? Zatvaram raspravu, te tačku 10 stavljam na glasanje, ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza

Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

Glasalo protiv: Nema.

Uzdržanih: Nema.

Konstatujem da smo jednoglasno usvojili ovu tačku.

ZAKLJUČAK

10.1. Donosi se Rješenje o imenovanju Kolegija Općinskog vijeća Maglaj

AD – 11: Godišnji plan potencijalnih JPP projekata za 2025. godinu

Predsjedavajuća Aida Bašić: Prelazimo na tačku 11. a to je Godišnji plan potencijalnih JPP projekata za 2025. godinu. Da li nam je potreban uvodničar? Otvaram raspravu, zatvaram raspravu, te tačku 11. stavljam na glasanje. Ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

Glasalo protiv: Nema.

Uzdržanih: Nema.

Konstatujem da smo jednoglasno usvojili ovu tačku.

ZAKLJUČAK

11.1. Usvaja se Godišnji plan potencijalnih JPP projekata za 2025. godinu

AD – 12: Srednjoročni plan potencijalnih JPP projekata za 2025. - 2027. godina

Predsjedavajuća Aida Bašić: Prelazimo na tačku 12. Srednjoročni plan potencijalnih JPP projekata za 2025. - 2027. godina. Otvaram raspravu, da li se neko javlja za diskusiju? Ne javlja, zatvaram raspravu i stavljam tačku 12. na glasanje. Ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

Glasalo protiv: Nema.

Uzdržanih: Nema.

Konstatujem da smo jednoglasno usvojili ovu tačku.

ZAKLJUČAK

12.1. Usvaja se Srednjoročni plan potencijalnih JPP projekata za 2025. - 2027. godina.

AD – 13: Prijedlog Programa rada Općinskog vijeća Maglaj za 2025. godinu

Predsjedavajuća Aida Bašić: Prelazimo na tačku 13. Prijedlog Programa rada Općinskog vijeća Maglaj za 2025. godinu. Program rada je pripremljen i napravljen na osnovu potreba službi, Općinskog načelnika, prijedloga koji su pristigli od strane političkih partija, tako da ukoliko, građana naravno, ukoliko želite da diskutujete po ovo pitanju otvaram raspravu. vijećnica Mustabašić izvolite.

Vijećnica Armina Mustabašić: Kada je riječ o Programu rada Općinskog vijeća Maglaj tražimo da se tematska sjednica o analizi stanja u JU Dječiji vrtić pomjeri za februar/mart.

Predsjedavajuća Aida Bašić: Hvala Armina, vijećnik Arif izvolite.

Vijećnik Arif Mujkanović: Govorim u ime Kluba vijećnika SDP-a predlažem da se već na prvoj, odnosno možda čak bolje na drugoj sjednici Vijeća u narednoj godini uvrsti Informacija o kvaliteti zraka u Maglaju. Veliki dio građana, također i medicinskog osoblja postavlja ovo pitanje. Također smo svjedoci svakodnevnog upozorenja o lošem kvalitetu, ne bih više nazvao lošem nego opasnom zraka na mjernim stanicama u Maglaju. poznato je da smo dio projekta na kojem smo dobili mjerne stanice u kojima je moguće dobiti adekvatne podatke. Za nosioca aktivnosti bih predložio da izvjestilac bude Općinski načelnik. Sukladno tome trebalo bi poduzeti da se zaštiti zdravlje naših građana. Sada također na Vijeću mi je pala jedna inicijativa za izvještaj za period mart/april da i bilo dobro da se uvrsti tačka Upravljanje parking prostorima na općini Maglaj da dobijemo jednu kvalitetnu informaciju gdje bi donijeli niz kvalitetnih odluka jer zaista imamo parking prostora ali je potrebno možda da se sa nekim novim snagama, možda načelnik sa novom energijom nekom ili nešto da svi donesemo da uradimo da se riješi na adekvatan način parkiranje. Vidimo da zaista ima potrebe za tim, za tom tačkom. Hvala vam.

Predsjedavajuća Aida Bašić: Arife, izvinite nisam čula samo Informacija o kvalitetu zraka u Program rada u kojem terminu.

Vijećnik Arif Mujkanović: Rekao sam predsjedavajuća niste možda slušali, na prvoj ili drugoj sjednici u narednoj godini. Nudimo načelniku da kaže koji je to period potreban da bi se dale adekvatne informacije, da se vodi računa naravno o tome da je sada u ovom periodu najzagađeniji zrak. Vidimo da su meteo stanica sve u crvenom, zaista pokazuju strašne podatke, da mi donesemo neke Odluke i mjere koje možemo poduzeti. Naravno što je u našim domenima zakonskim, odnosno ljudskim dužni smo prije svega da brinemo o zdravlju građana.

Predsjedavajuća Aida Bašić: Hvala lijepo. Da li ima još prijedloga? Da li se još neko javlja? Emina izvolite.

Emina Hasanić: Pošto izlazim prvi put sve vas selamim i pozdravljam. S obzirom, da smo do sada u Programu rada Općinskog vijeća imali i Izvještaj o planu rada naših inspekcija a s obzirom da u posljednjem periodu nemamo sanitarnog inspektora, građevinski nam je inspektor bio na bolovanju i nismo imali prošle godine. Ja mislim da nismo imali u Programu rada Općinskog vijeća Izvještaj i Plan rada inspekcija, eh sada obzirom da ove godine već od januara mjeseca imamo građevinskog inspektora, prethodni građevinski inspektor koji je u radnom odnosu se vratio sa bolovanja i da za ovaj period 2024. godine imamo inspekciju, imamo način da zahtjevamo da se u Program rada uvrsti Izvještaj o radu urbanističko, građevinskog i putnog inspektora za period od 01.01. do 31.12.2024. godine i Plan rada a shodno Zakonu o organizaciji članu 132. Zakona o organizaciji ograna uprave FBiH, gdje kaže da je inspekcija dužna najmanje jednom godišnje podnijeti pisani izvještaj o izvršenim inspekcijским pregledima, o nadenom stanju, pojavama i

problemima i o preduzetim mjerama koje bi trebalo preduzeti za otklanje utvrđenog nezakonitog ponašanja. U Izvještaju se obavezno moraju obraditi vidovi i načini kršenja zakona i drugih propisa, nedostaci u propisima i predložiti u kojem bi pravcu trebalo mijenjati pojedina zakonska rješenja. Općinska, odnosno gradska inspekcija Izvještaj podnosi Općinskom načelniku, odnosno gradonačelniku i Općinskom/Gradskom vijeću.

Predsjedavajuća Aida Bašić: Hvala Emina, da li ima još prijedloga za dopunu Programa rada . Ukoliko nema prije glasanja pauza na zahtjev Kluba SDA. Nakon pauze nastavljamo dalje, tačka 13. Prijedlog Programa rada Općinskog vijeća Maglaj za 2025.godinu. Imali smo određene prijedloge za dopunu Programa rada. Prijedlog od strane Kluba SDP-a dogovorili smo se da ćete dopuniti svoj prijedlog, pa ja bih zamolila evo da vi izadete i kažete, u smislu izvještavanja, odnosno kad želite da se ova informacija nađe kao tačka Dnevnog reda.

Vijećnik Firuz Galijašević: Što se tiče Izvještavanja oko zagađenosti zraka saglasni smo da pokušamo do septembra da uvrstimo tu tačku Dnevnog reda, da bi smo imali vremena i za praćenje mjerenja svih da bi smo imali, odnosno negdje do grejne sezone do 15.10. Prijedlog je septembar/oktobar.

Predsjedavajuća Aida Bašić: Hvala Firuze, gospodin Mešić izvolite.

Vijećnik Mirza Mešić: Kada je u pitanju ovaj drugi prijedlog koji se odnosi na parking prostore koje mi je izuzetno drago da je neko izašao i predložio jer sam ja četiri godine na tom pokušavao, nisam dobio mogućnost evo sada ima, međutim ono je bilo i do sada u Programu kao i sada što stoji pod tačkom 37. Plan i program održavanja sanacije i rekonstrukcije lokalnih i nerazvrstnih puteva i gradskih ulica sa finansijskim pokazateljima za 2025. godinu. Ko poznaje zakon o osnovama bezbjednosti saobraćaja, zna da u nerazvrstanu cestu spada i parking prostor. Nerazvrstana cesta je gdje se odvija saobraćaj po bilo kom osnovu. Pošto imamo saobraćaj u kretanju, u mirovanju, parking prostori spadaju to, pa će biti u martu ili aprilu kako je predloženo, tako da nema potrebe da se stavlja ta tačka.

Predsjedavajuća Aida Bašić: Ja moram da pitam Klub SDP-a da li ste saglasni da se pod tačkom koju je gospodin Mešić naveo razmatra i ova koju ste vi predložili? Želite da vaš prijedlog ide ovako kako ste rekli. Arif izvolite.

Vijećnik Arif Mujkanović: Očito da odbornik, vijećnik nije slušao ja nisam tražio tako, moje se odnosi na upravljanje parking prostorima. Znači, tražim da se riješi model upravljanja. Zakon o bezbjednosti saobraćaja ne kaže kako će se i na koji način upravljati i plaćati i naplaćivati ili neće naplaćivati. To tražim striktno da se uvede red jednom na tu tačku.

Predsjedavajuća Aida Bašić: Hvala, replika gospodin Mešić.

Vijećnik Mirza Mešić: Upravo nakon ove tačke 37. se može razgovarati o ovom sljedećem, da se donese Odluka i upravo sam ja to i tražio prethodne četiri godine. Tražio da se poveća i broj parking prostora na području grada, tražio sam kada se grade novi objekti da zadovoljavaju kapacitete kada su u pitanju parking prostori u skladu sa zakonom, nikada nije udovoljeno. Kada prođe ova tačka sada što dolazi na red tada ćemo mi to moći da razgovaramo o tome da donesemo jednu odluku koja će to da definiše.

Predsjedavajuća Aida Bašić: Hvala gospodine Mešić. Da li ima više vijećnika za diskusiju? Ukoliko nema zatvaram raspravu te pristigle prijedloge stavljam na glasanje. Prijedloge ćemo staviti na glasanje onim redom kojim su i pristigli. Prvi prijedlog je bio ispred Kluba SDA a odnosio se da se tematska sjednica koja je Programom rada Općinskog vijeća za 2025. godinu planirana u aprilu, pomjeri i da se održi u periodu februar/mart. Ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Damir Bašić, Firuz Galijašević, Jasmin Đuhara, Samir Fetić, Selver Mahmić, Eldin Mehinagić, Arif Mujkanović, Adin Obralić, Alim Sinailović, Senad Šehić (SDP), Kenan Burić (NARIJED BH).

Glasalo protiv: Nema.

Uzdržanih: Nema.

Konstatujem da je ovaj prijedlog dobio većinu. Druga dva prijedloga su došla ispred Kluba SDP-a. Prvi prijedlog je bio da se u Program rada uvrsti Informacija o kvalitetu zraka na općini Maglaj i da bude kao tačka Dnevnog reda na sjednici septembar/oktobar. Ko je za ovaj prijedlog?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

Glasalo protiv: Nema.

Uzdržanih: Nema.

Konstatujem da smo jednoglasno usvojili ovaj prijedlog. Također ispred Kluba SDP-a prijedlog upravljanje parking prostorima u općini Maglaj, da bude kao tačka Dnevnog reda u periodu mart/april, ko je za?

Glasalo za: Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

Glasalo protiv: : Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA),

Uzdržanih: Nema.

Konstatujem da prijedlog nije dobio potrebnu većinu.

Još jedan prijedlog je bio prijedlog Službe Općinskog načelnika i Općinskog vijeća a to je Izveštaj o radu urbanističko, građevinskog i putnog inspektora za period 01.01.-31-12-2024.godine i Plan rada urbanističko, građevinskog i putnog inspektora za 2025. godinu i da se nađe u Programu rada i to u periodu januar/februar na sjednici koja će se održati u toku jan i februara. Ko je za ovaj prijedlog?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

Glasalo protiv: Nema.

Uzdržanih: Nema.

Konstatujem da je i ovaj prijedlog dobio potrebnu većinu. Sada stavljam na glasanje Prijedlog Programa rada Općinskog vijeća Maglaj za 2025.godinu i uz prijedloge koji su dobili potrebnu većinu. Ko je za?

Glasalo za: Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Damir Bašić, Samir Fetić, Eldin Mehinagić, Adin Obralić, Senad Šehić (SDP), Kenan Burić (NARIJED BH).

Glasalo protiv: Firuz Galijašević, Jasmin Đuhera, Selver Mahmić, Arif Mujkanović.

Uzdržanih: Almin Smailović.

Konstatujem da je Prijedlog Programa rada Općinskog vijeća Maglaj za 2025. godinu dobio potrebnu većinu.

ZAKLJUČAK

13.1. Da se tematska sjednica (Analiza stanja u JU „Dječiji vrtić“ Maglaj) koja je Programom rada Općinskog vijeća Maglaj za 2025. godinu planirana u aprilu pomjeri i da se održi u periodu februar-mart;

13.2. Da se u Program rada Općinskog vijeća Maglaj za 2025. godinu uvrsti Informacija o kvalitetu zraka u općini Maglaj i da bude kao tačka dnevnog reda na sjednici u periodu septembar-oktobar

13.3. Da se u Program rada Općinskog vijeća Maglaj za 2025. godinu uvrsti Izvještaj o radu urbanističko građevinskog i putnog inspektora za period 01.01. – 31.12.2024. godine i Plan rada urbanističko građevinskog i putnog inspektora za 2025. godinu i to u periodu januar-februar;

13.4. Donosi se Program rada Općinskog vijeća Maglaj za 2025. godinu uz sve prethodno usvojene prijedloge.

AD – 14: Informacija po inicijativi Komunalnog javnog društva d.o.o. Maglaj za zamjenu zemljišta

Predsjedavajuća Aida Bašić: Prelazimo na tačku 14. a to je Informacija po inicijativi Komunalnog javnog društva d.o.o. Maglaj za zamjenu zemljišta. Uvodničar da li je potreban, nije. Otvaram raspravu, gospodin Kusur izvolite.

Vijećnik Eldis Kusur: Ja samo da istaknem pošto je ovo Informacija, ona se prima k znanju. Klub vijećnika SDA i koalicioni partneri podržat će aktivnosti oko konačnog povrata zemljišta Medžlisu Islamske zajednice Maglaj i eto da se pozovu svi akteri koji mogu učestvovati u povratu ove vakufske imovine da se to vrati na vrijeme jer već od 2010. godine vode se aktivnosti na povratu ovog zemljišta. Krajnje je vrijeme da se ovo konačno vrati i da se tačka stavi na ovaj predmet.

Predsjedavajuća Aida Bašić: Hvala vijećniku Kusuru. Da li se još neko javlja za diskusiju? Ne javlja, ukoliko nema više diskutantata konstatujem da smo informaciju primili k znanju.

ZAKLJUČAK

14.1. Prima se k znanju Informacija po inicijativi Komunalnog javnog društva d.o.o. Maglaj za zamjenu zemljišta.

AD – 15: Informacija o radu privatnih predškolskih ustanova za 2023/2024. godinu, koje se sufinansiraju iz Budžeta Općine Maglaj sa programom rada za 2024/2025. godinu

Predsjedavajuća Aida Bašić: Prelazimo na tačku 15. Informacija o radu privatnih predškolskih ustanova za 2023/2024. godinu, koje se sufinansiraju iz Budžeta Općine Maglaj sa programom rada za 2024/2025. godinu. Otvaram raspravu, da li se neko javlja za diskusiju? Zatvaram raspravu, te konstatujem da ovu Informaciju primamo k znanju.

ZAKLJUČAK

15.1. Prima se k znanju Informacija o radu privatnih predškolskih ustanova za 2023/2024. godinu, koje se sufinansiraju iz Budžeta Općine Maglaj sa Programom rada za 2024/2025. godinu.

AD – 16: Informacija o stanju za dane 23, 24, 25 i 26.12.2024. godine

Predsjedavajuća Aida Bašić: Tačka 16. Informacija o stanju za dane 23, 24, 25 i 26.12.2024. godine. Po ovom pitanju će nas izvjestiti gospodin Šahman. Izvolite.

Haris Šahman: Ja bih prvo da vas sve srdačno poselamim i pozdravim. Ovo je jedna kratka informacija o dešavanjima za dane 23,24,25, i 26, tu je bio i 27 i 28 i dan danas još uvijek traju aktivnosti na normalizaciji stanja na našoj općini kada su u pitanju snježne padavine koje su evo počele nekako od ponedjeljka ujutro pa trajale su tri dana. Mislim da nema potrebe sada pogotovo da čitamo ovdje ovo, mislim da imate svi pred sobom ovaj materijal, da vidite koje su se aktivnosti odvijale za vrijeme ovog navedenog perioda, ko je sve učestvovao u aktivnosima, koje su mjere donešene čak je i Općinski štab civilne zaštite zasjedao, doneseni su neki zaključci. Po tim zaključcima se i djelovalo i mi evo još uvijek i dan danas nakon evo 7-8 dana još uvijek pratimo stanje. Imamo u MZ Misuriće naselje Ošve nisu imale struje i imamo u Gornjem Rakovcu koji su još uvijek bez električne energije. Radi se na tome da se uspostavi normalizacija stanja što se tiče. Evo imamo u međuvremenu informaciju od vijećnika Samira da je to završeno i da su Ošve dobile električnu energiju. Ukoliko imate nekih pitanja ako možemo odgovoriti, tu smo na raspolaganju.

Predsjedavajuća Aida Bašić: Hvala. Vijećnik Mehinagić.

Vijećnik Eldin Mehinagić: Evo ovako vezano za ove padavine i održavanje ulica, iskreno odmah na početku da kažem ja neću ovdje stvarno nikoga da krivim jer upućen sam bio da su sva raspoloživa sredstva bila stavljena na teren i hajdi evo ja vezano za moju mjesnu zajednicu iskreno nije bila pokrivena više od 80 % čišćenja. Mislim, opet kažem ne krivim nikoga, upućen sam u sve, nije bilo do nas, tako je vrijeme bilo. Hvala Bogu eto ja kao predsjednik sa svojim Vijećem uspio sam organizovati neku mašineriju i ljude ručno i sve ali bih volio da ne znam ko to odobrava i kako će. Ustvari, znam ali pronaći će se oni na koga mislim da se makar dok je vakta još je zimsko vrijeme po 50 litara nafte odobri na nekim benzinskim stanicama za mjesne zajednice jer ljudi ako rade džaba, dali su svoju mašineriju makar na neki način da im se može obezbjediti ta nafta. Što se tiče lično evo ja hoću javno da zahvalim svim službama od GSS-a do Komunlanog, do firme koja je potpisala ugovor stvarno se išlo. Svi bi mi voljeli da je to u minuti dođe ali ne može. Hvala Bogu ko je to shvatio pa na vrijeme sebi počeo čistiti ali evo. Volio bih da se iznađe mogućnost da se mjesnim zajednicama ispostavi makar gorivo, da se ljudima može nadoknaditi oni koji koriste mašineriju. To je to.

Predsjedavajuća Aida Bašić: Hvala, vijećnik Burić, zatim vijećnik Serhatlić, nakon toga vijećnik Obralić.

Vijećnik Kenan Burić: Ja bih samo da pitam gospodina, zanima me to da li Općina ima plan rada u ovakvim uslovima. Dalje, samo sekund, samo sekunda, zašto se nije proglasilo stanje vremenske nepogode i po ugovoru čišćenja zašto se Bijela Ploča vodi od džamije prema Jablanici, a svi znamo da je Bijela Ploča od mosta na bunkeru pa ovamo sve dalje. To su ta pitanja.

Predsjedavajuća Aida Bašić: Hvala lijepo, samo vijećnik Serhatlić i ostali vijećnici pa ćete Vi odgovoriti.

Vijećnik Nesib Serhatlić: Pa evo bili smo svjedoci u proteklih 5-6 dana svih dešavanja koja su se desila na općini Maglaj. Ja sam informaciju iščitao i što se tiče informacije, ona je takva kakva je. Ja hoću da diskutujem o nečemu o čemu moramo diskutovati, da ne bi pisali ove informacije. Ko je krivac što mi nemamo još uvijek struje u nekim mjesnim zajednicama 6-7 dana u 21 vijeku. Hoćemo li čekati da svako padanje snijega da strepimo od nestanka struje. Hoćemo li to raditi, šta je uzrok, uzrok ovom nije snijeg, snijega će biti, bilo ga je i bit će. Uzrok je katastrofalno stanje u Elektroprivredi, odnosno Elektroprijenosu. Ja da vam kažem da te firme nemaju na svojoj zalihni ni metra kabla niti imaju satova a uredno im se plati i za priključak objekata i svih stvari avans 100

%. Te pare koje se plate po njihovim Odlukama, ja ne znam gdje te pare idu, neodržavanje dalekovoda, neodržavanje, neprosijecanje dalekovoda koji idu kroz šumu. Znači, jednostavno to je osnovni razlog što mi imamo ove probleme u mreži. Hajmo da vidimo da te probleme riješimo kako ne bi došli u situaciju da opet sutra ili prekosutra ili za mjesec dana imamo problem, kažu pao snijeg i mi nemamo struje. Moramo naći krivca, nije kriv snijeg. Kada je u pitanju održavanje saobraćajnica i puteva. Zimsko održavanje mislim da moramo napraviti neku reorganizaciju, neki drugi plan kako održavati. Ne može jedna i dvije firme održavati čitavu općinu Maglaj, pogotovo kada se tiče ovakvo velikih padavina i ovakve nepogode. Moramo razmotriti prijedloge i vidjeti da eventualno damo mjesnim zajednicama novac da mjesne zajednice same to uredi ko će im čistiti snijeg, ko će se naći jer ne može jedna firma stići na 100 mjesta. To je činjenica, znači moramo naći, moramo podijeliti po rejonima, moramo naći još više firmi koje će održavati puteve kako ne bi došli u situaciju da 5-6 dana nemamo očišćene puteve. Hajdi da to stavimo na Dnevni red i da to u ovoj godini mislim da neće biti u narednom periodu više ovakvih padavina ali da nas ne bi to zatečalo stalno, hajdi da to malo uredimo na neki bolji način i kvalitetniji kada su u pitanju održavanje puteva u zimskom periodu. Hvala.

Predsjedavajuća Aida Bašić: Vijećnik Obralić, zatim Samir Fetić.

Vijećnik Adin Obralić: Zahvaljujem, pitanje ide za gospodina Šahmana. Da li je bilo elemenata da se od strane kriznog štaba proglašuje stanje prirodne nesreće kao što je kolega Burić isto govorio i da li su kapaciteti koje ima Općina koje smo koristili bili dovoljni i da li je bilo potrebno angažovati više nivoa u smislu kantonalne uprave civilne zaštite da pomogne u ovom rješavanju problema. Hvala.

Predsjedavajuća Aida Bašić: Hvala, vijećnik Fetić izvolite.

Vijećnik Samir Fetić: Ja nisam mislio izlaziti toliko sam umoran, slomljen dakle ali kada pričamo o nečemu što ne poznajemo materiju i ne znamo taj dio gospodine Nesibe, ja samo kažem da vam objasnim neke stvari. Prvo moram zahvaliti se Civilnoj zaštiti što je odmah nazvala prvi dan padanja nazvala je mene kao predsjednika MZ Misurići i mi ljudi moji pa onaj snijeg ne može niko očistiti prva dva dana. Ja znam kakvih je imao i načelnik problema. To su ljudi koji sjede u kućama, na facebooku-u i on piše. Moramo sačekati da vidimo šta će se kada stanu padavine onda ćemo djelovati. Oni bi htjeli odmah. Treba očistiti rekoš eto me samo da obučem čizme i lopatu, kaže ne ne čekaj ćemo jutro. Kažem ja eto mene prvi idem de izađite i vi na cestu, i ja ću doći, ne može. Moraju ljudi malo razumjeti a sad ćemo o Elektroprivredi prvo moram pohvaliti moje kolege koji smo i dan i noć radili po onakvom snijegu to je bilo ne rad nego lomljenje u snijegu. Kada vi idete kroz snijeg do pasa sa penjalicama, komadom žice i motorkom, to je strašno. Evo ovako ćemo sad aza ove dalekovode što se ne održavaju što ste govorili, školski je 5 metara od jedne žice, 5 metara od druge žice. Ovo ništa nije moglo ništa ni spasiti ni rasjeka, niti išta. Kada se drvo sa 20 metara vi znate da mi dvije godien nismo imali padavina nikakvih da je suho tlo ali od borovine najslabiji je korijen. Sada gledajte to nakislo, na tom boru ima jedno 2-3 tone i kad to bubne pod dalekovod ma sve leži. Možete misliti da smo mi prvi evo danas su i Ošve puštene.

Više nemamo mi, mi smo pod strujom. Zavidovići još ništa nisu završili, još pola svoje općine, Tešanj ne znam ni oni nisu. Mi smo svoje odradili, dan i noć smo radili po novci smo ulazili u šume. To je bila borba, moram zahvaliti se stanovništvu Moševca, Ravne, Oruča, Kosove koji su izašli ljudi i pomogli bez toga nema, bez jake akcije i ljudi su shvatili da trebaju doći i ondaih uputimo kako će šta će raditi, hvala Bogu evo dobili smo struju a moramo mi malo biti strpljivi. Ovo nije ni na načelnika, ni njemu nije lahko i našem direktoru Faruku Hidiću ali moram pohvaliti ove sve momke dali su sebe stvarno i promrzli smo i svakakvi. Ja spavam, nisam se ni pripremio da vam pravo kažem, ništa od umora. Hvala vam još jednaput mislim da sam malo objasnio.

Predsjedavajuća Aida Bašić: Hvala lijepo, vijećnik Mehinagić izvolite.

Vijećnik Eldin Mehinagić: Da se ne bi ponavljao, evo ja dajem punu podršku gospodinu Nesibu što se tiče nestanka struje i dajem mu istu punu podršku za prijedlog čišćenja puteva po mjesnim

zajednicama. Sada mala ispravka mom kolegi Buriću i mom budućem komšiji, Bijela Ploča se ne vodi od bunkera nego od tunela Rječica i na to još da kažem ono što je uvršteno u plan čišćenja Bijele Ploče to je ljudi regionalni put Doboj-Zavidovići, to nema veze s Bijelom Pločom, on se mora čistiti kad ne bi ni jednu mjesnu zajednicu. Putevi kao Bijela Ploča, Plance, Polja, dio prema Jablanici, nekategorisani putevi tamo dio Krbulje, Parnica jedna, Parnica druga, nisu nigdje uvršteni, to su kilometri puteva. Ja ne kažem da treba ljudima pred kuće ne, nisam ni za to da se mašinerija pošalje u uske ceste, oštetit će ograde i eto vam tužbe ali što se tiče Bijele Ploče gledajući realno ona nije uopšte uvrštena, nije uopšte uvrštena. Hvala Bogu mi smo uspjeli, evo Burić je dole isto sa svojim u Poljima imaju dole taj objekat, uspjeli smo riješili smo ali niko ne traži da se mora u svaku ulicu ući, niko ne traži da to mora biti isti dan ali eto volio bih da se uvrste. Ja ću dostaviti i pismeni prijedlog Općini, donijet ću pismeni prijedlog da se ubuduće ko bude sklapao tj ugovor da se glavne ceste prema Planama, Jablanici i Poljima da se one uvedu kao čišćenje Bijele Ploče a ne regionalni put.

Predsjedavajuća Aida Bašić: Hvala lijepo, vijećnik Mešić izvolite.

Vijećnik Mirza Mešić: Ja ću vezano za ovu informaciju nadovezati se na ovo što su kolege već govorele kada je u pitanju održavanje putne infrastrukture objavljene na stranici Općine Maglaj, koji su putevi za održavanje. Tamo u ovoj informaciji stoji da su mimo tih puteva dodatnih još 30-40 km odrađeno, s tim da ljudi moraju da shvate da u ovoj situaciji prvo idu ti putevi su u održavanju. Onaj ko je u osmom mjesecu kreirao a svi znamo ko je kreirao to, on treba da bude odgovoran što nisu određeni putevi na Bijeloj Ploči uvršteni, što su iz Kosove dionice određene izbrisane što su bile prošle godine itd. Druga stvar, ovo je lekcija da jedna firma, znamo svi da je ogromna količina padavina bila i da je zaista bilo teško to očistiti lekcija za sljedeću godinu i ubuduće da tražimo više ljudi ili da tražimo drugi način kako da to riješimo. Kada je u pitanju elektro niste vi Bakula kolega Samiru Fetiću krivi, vi ste radili, vi ste se lomili. Znam vaš predstavnik Faruk Hidić zajedno s vama je radio maksimalne napore ulagao u to, znam zaista međutim kada je tražena podrška to znam i određene informacije došli su jednu ljudi su sposobni, drugi nisu da pomognu. Generalno postoji problem koji moramo i tu rješavati, ne može više Kosova ovo je sada zima, ne može više Kosova da trpi jedan vjetar obični ali generalno postoji problem koji moramo i tu rješavati. Ne može više Kosova, ovo je sada zima, ne može više Kosova da trpi jedan vjetar obični ljeti da nemamo struje, Koprice. ovo je krenulo u dobrom smjeru ako sam dobro mogao primjetiti gospodin načelnik je već krenuo u tom smjeru da se ovo rješava i nadam se da će biti riješeno.

Predsjedavajuća Aida Bašić: Hvala lijepo, vijećnik Burić izvolite.

Vijećnik Kenan Burić: Samo sam zaboravio napomenuti i reći da ispred Općine da bi neko trebao uputiti dopis Elektroprivredi da vidimo kada će krenuti ta promjena kablova, kao što je kolega Mirza rekao jak vjetar, kišu, jako sunce nestaje struje po selima i mislim da bi trebalo da nam dadnu konkretan odgovor ko će nadoknaditi štetu kako privredi, tako i stanovništvu zbog nestanke struje, zbog pojedinih usjeva ne znam ni ja više čega. Hvala.

Predsjedavajuća Aida Bašić: Hvala, vijećnik Abdurahmanović.

Vijećnik Adis Abdurahmanović: Ja samo želim da informaciju sam priočitao sve je ok, znamo mi evo ja sam bio na terenu, kolega Samir Fetiću ja čestitam radnicima i Elektroprivrede koji su bili na terenu jer sam vidio svojim očima šta rade, čestitam i dijelu kako već Gorske službe spašavanja iz Maglaja koji su se maksimalno dali, čestitam volonterima prvenstveno iz moje mjesne zajednice i svih ostalih, znači ljudi su maksimalno se dali i niko nikog ovdje ne okrivljuje Fetiću, ja znam vi ste jedan od tih koji su na terenu ginuli i do pasa bili s motorkom. Ja ne znam s motorokom raditi u pola ljeta a vi ste do pasa u snijegu vi i vaše kolege, međutim mi ovdje pričamo i kako sam razumio i kolegu Burića i sve ostale da riješimo na vrijeme ove stvari. Ne možete vi kao radnici, zna se ko je nadležan za to i gdje treba uputiti. Mi zaista evo pošto radim na novošeherskom kraju znam koliki problem ti ljudi imaju. Evo u Kosovi isto tako, ljudi ne na snijeg

na kišu mi imamo problem iskakanje i pregaranje aparata i svašta nešto. Nikog ne okrivljujemo ni bivše ni buduće, hajte ovo je problem kompletne mjesne zajednice i da svako iz svoje nadležnosti pokrene pitanje da se ovo riješi. Isto tako čišćenje evo ja imam u Kosovu jednu dionicu koja je godinama u sistemu održavanja a ne čisti se. Odgovor je ne može nam proći nam širok greder, zašto uzmeš to uzmi traktor ili daj nekom drugom. Hajde da riješimo to u budućnosti evo za sve mjesne zajednice, nema ovdje, ovo je stvar koju trebamo da svi riješavamo toliko.

Predsjedavajuća Aida Bašić: Hvala lijepo. Arif izvolite.

Vijećnik Arif Mujkanović: Ako se sjećate obraćam se direktorici Komunalnog na dan kada su bile ove padavine rekao sam Šefka pusti to radite dobar posao. Padavine kada su bile uradilo se što se moglo. Svi smo mi dali svoj doprinos maksimalan, da li je dovoljno da li je dobro nije dobro. Naravno da nije dobro ali ko može uraditi bolje, ne može niko. Prije svega voditi brigu o sigurnosti ljudi, ako čovjek jedan nastrada bolje je da deset ljudi zakasni na posao, nego da jedan čovjek nastrada. To sam vam i rekoa čuvajte ljude, sve će se ostalo uspostaviti, međutim jedna sada i kritika, sad je već vrijeme lijepo uzmite malo bager i one trotoare i ivičnjake riješite da se može prolaziti malo prisutpa zaista sada već postoji problem zaledilo je pa već predstavlja i opasnost. Ja vam unaprijed zahvaljujem na tome.

Predsjedavajuća Aida Bašić: Hvala, Samir Fetić izvolite.

Vijećnik Samir Fetić: Oduzimam vrijeme ali s načelnikom sam pričao kada sam došao a i mi ćemo to na Savjetu mjesne zajednice slijedeći sastanak poslije praznika da vidimo da imamo tu manju ralicu, ovaj zgrtač što ide na traktor. Da napravimo mi ako treba mi imamo varioce u Misiručima samo da s načelnikom treba vidjeti da se materijal ili nešto tako, to ćemo se mi dogovoriti jer imamo te male sokake gdje ne možu ući ovaj ni jedan. S ovim bih završio i da vam čestitam Novu godinu, da ste mi zdravi i živi i veseli.

Predsjedavajuća Aida Bašić: Hvala, vijećnik Kusr izvolite.

Vijećnik Eldis Kusr: Pa ništa evo ja prvo kao građanin općine Maglaj, pa kao vijećnik ovim putem izražavam zahvalnost Općinskom načelniku Maidu Suljakoviću koji je bio 24 h na raspolaganju svojim građanima počevši od sjevernog dijela općine do južnog, zapadnog i istočnog. Neizmjerne je bio na terenu i da mu dragi Allah podari dobrog zdravlja i da pravim putem ako Bog da ide i da poslove koje ima u planu završava s hajrom. Eto toliko.

Predsjedavajuća Aida Bašić: Hvala Eldise. Da li se još neko javlja za diskusiju? Ukoliko nema, direktorica Komunalnog izvolite direktorice.

Šefka Hasanić: S obzirom da izlazim prvi put za govornicu srdačno vas pozdravljam i odgovorila bih kolegi Arifu da smo zaista u ovom proteklom periodu se trudili da ispoštujemo svoj Plan, da dodatno uradimo čišćenja po zahtjevu Općinskog načelnika, također i po zahtjevu Elektroprivrede 4-5 dana su naši radnici radili zajedno s njima na čišćenju i krčenju tih palih borova i drveća, tako da je i po našem planu u toku čišćenja i snježnih padavina nismo bili u mogućnosti ni otpad odvoziti. Jedan period je čišćenje, odvoz otpada, novogodišnji praznici, nastojimo bar jedan slobodan dan da damo i svojim radnicima pa bar prvog da ne rade, a drugog se vraćamo redovnim aktivnostima. Drugo, snijeg je mokar ne možete ga pokupiti ni bagerom a ne možete ga skupiti ni kada smrzne ujutro. Znači moramo čekati taj nekakav prirodni proces da se otopi. Hvala.

Predsjedavajuća Aida Bašić: Hvala direktorice. Evo Harise možete ponuditi odgovor.

Haris Šahman: Pokušat ću odgovoriti vijećniku Obraliću i vijećniku Buriću na postavljenom pitanju. Plan rada mi imamo Plan zaštite i spašavanja koji se aktivira i kada je proglašeno stanje prirodne nesreće i tada nije proglašeno stanje prirodne nesreće. Mi ga svakako trebamo ažurirati taj plan koji je donesen prije pet godina. On bi se trebao godišnje ažurirati, nismo to evo do sada uradili ali ćemo svakako u narednom periodu to da uradimo. U Zakonu o zaštiti i spašavanju ljudi i materijalnih dobara ne postoje jasno definisani kriteriji kada se proglaš stanje prirodne ili druge nesreće, nemamo jasne kriterije. Ja uvijek volim da tražim mišljenje od viših nivoa, znači oni koji su nama nadređeni po ovim pitanjima to Federalna uprava civilne zaštite, pa i od inspektora. Kada

su u pitanju ne samo ti kriteriji, nego i druge stvari koje se tiču ovog zakona, dobio sam odgovor da Općinski štab civilne zaštite može donijeti određene kriterije i to je nešto što svakako mi moramo poraditi na tom pitanju, evo u narednom nekom periodu. Koji bi to bili, da li je bilo uslova za proglašenje pa i jeste bilo ne mogu reći sada nije bilo ali međutim mislim da smo dobro odgovorili na ovaj problem. Nismo imali koliko znam evo i načelnik je bio stalno na terenu, ni jednu mjesnu zajednicu gdje je mehanizacija, gdje službe nisu mogle da dođu da odrade posao koji su trebale da odrade, nije bilo materijalna šteta jeste bila, nije bilo ljudskih života. To će biti vjerovatno neki kriteriji, to ćemo mi na tome svakako poraditi. Održavanje puteva nije u nadležnosti civilne zaštite, to je sada već iz drugih služba možda da se uključe u raspravu i dobar je prijedlog slažem se sa vijećnicima koji su iznijeli prijedlog da više firmi učestvuje u održavanju ovih puteva. Treba svakako da jačamo kapacitete i strukturu civilne zaštite, mislim da je sada i načelnik svjestan tek je došao na ovu funkciju da je svjestan šta to nama fali i koji su nedostaci da tu treba i ljudstva i mi smo u zadnjih godinu dvije po tom pitanju struktura mogu reći malo smo i dobili u plusu smo. Evo imamo recimo radio klub radiomateri. Radio mreža za opasnost, imamo službu prve medicinske pomoći koja je formirana unutar JU Dom zdravlja Maglaj i imamo Dobrovoljno vatrogasno društvo koje još nažalost nije proglašeno službom i također treba da po tom pitanju u narednom periodu poradimo više na tome, međutim imamo dobrovoljce koji imaju položen ispit i koji su nam u ovoj situaciji pomogli. Vatrogasci su više od same riječi vatrogasci, oni su tu i spasioci, učestvuju u svim akcijama. Tu je mnogo vatrogasaca koji su i na bošovanju, koji će ubrzo u penziju tako da mi morao da radimo po tom pitanju da zaposlimo više ljudi na tim pozicijama i mlađih, tako da možemo da odgovorimo što bolje i efikasnije na probleme koji se dešavaju. U konkretnom slučaju mi nismo proglasili stanje prirodne nesreće, ne mogu sada reći da mi ne možemo tražiti pomoć, međutim oni se uvijek vežu na to da bi trebalo proglasiti stanje pa da. To sporo jako ide, evo 4-5 godina sam u službi i vjerujte da nije to baš tako da ide ta pomoć brzo od strane tih viših nivoa. Evo i ovaj požar koji je bio u ljetnom periodu, ta procedura oko angažovanja pogotovo helikoptera Oružanih snaga BiH, malo je to išlo sporo pa su se onda oni vezali na neke naše gramatičke greške pri slanju zahtjeva prema kantonu i FBiH. Ono što sam ja tražio da oni sufinansiraju nabavku određene opreme i nije da sam dobivao neki negativan odgovor međutim nisam dobio nikakav odgovor a oni mogu dosta u tom smislu pomoći. Mislim da je i ovo prilika da s novim načelnikom da probamo i s te strane da mogu nam pomoći sigurno, sada neću da govorim da li je to politički nije moje da o tome pričam.

Predsjedavajuća Aida Bašić: Radi zapisnika izadite za govornicu vijećnice Buriću.

Vijećnik Kenan Burić: Samo da pitam ako su bili uslovi da se proglasi vremenska nepogoda zašto nije proglašeno.

Predsjedavajuća Aida Bašić: Hvala.

Haris Šahman: Mislim sada opet da se ponavljamo, Općinski štab može proglasiti sada sam rekao. Mi treba da poradimo na tim kriterijima jasno definisane kriterije da donesemo i da onda kažemo evo imali smo uslove takve da možemo proglasiti stanje prirodne nesreće. Nije to baš tako ni jednostavno na načelnicima da odluče, odnosno na Općinskom štabu. Tešanj je bio u mnogo gorjoj situaciju, neko je spomenuo i Zavidoviće isto, niko od njih nije proglasio stanje prirodne nesreće. Ja evo sad apredlažem da se urade ti kriteriji i da onda možemo da imamo nešto po čemu ćemo mi sigurno znati da li treba da se proglasi stanje prirodne nesreće ili ne. Mi smo dakle iskoristili sve kapacitete koje smo imali i to i jeste taj prvi uslov. Ne možemo mi odmah tražiti pomoć od kantonalne uprave a nismo svoje resurse iskoristili, nismo se dali na raspolaganje. Mislim da smo dobro odgovorili ovom zadatku, nije nikakva fala niti išta i treba da samo što više ulažemo u oblast civilne zaštite da jačamo kapacitete i to je to.

Predsjedavajuća Aida Bašić: Harise, hvala lijepo, Općinski načelnik se javio za riječ, izvolite.

Maid Suljaković, Općinski načelnik: Obzirom da u ovom periodu niko nije zaista politizirao ovo stanje ja koristim priliku da se zahvalim i opozicionim političkim partijama na području općine

Maglaj, naravno bilo je određenih nerazumjevanja, odnosno prebacivanja odgovornosti sa Elektrodistribucije na odgovornos na Općinu. Mi smo se svakako trudili da pomognemo našoj lokalnoj Elektrodistribuciji i da pošaljemo mehanizaciju u sve one mjesne zajednice gdje je bilo potrebno da se pomogne da bi se ubrzao rad naših montera na terenu. Ja koristim priliku da se zahvalim svim inistitucijama koje su bile aktivirane u ovom periodu, također rukovodcima službi koji su sve ove dane radili od jutra do ponoći. To je ono što me posebno radovalo, posebno uzimajući u obzir da nisam ih tjerao, nego da je to bilo samoinicijativno prijavljivanje. Također provodio sam određeno vrijeme i u našem Vatrogasnom društvu, zadivljen sam načinom i rekcijom naših vatrogasaca, toliko srdačno i na svaki problem su skakali čak i na one stvari koje nisu u njihovoj nadležnosti. Ono što je Haris rekao definitivno kada nam se dogode ovakve krizne situacije vidimo koliko je važno i preventivno ulagati i u opremu civilne zaštite i generalno za određenu mehanizaciju kojom bi lakše pomogli našim građanima. Kada su u pitanju planovi održavanja, evo ovo je možda sada i prilika mi smo kao služba predvidjeli određeno povećanje na stavci za zimsko održavanje u iznosu od 15.000 maraka, svakako želimo da surađujemo sa mjesnim zajednicama i ukoliko su to veći kilometri za odražavanje, onda bih vas zamolio da razmišljate i da u budžetskoj stavci predložite tu cifru kako bi bilo dovoljno da se uvrsti u taj dio puteva. Kao što je u Informaciji navedeno pored puteva koji su bili u redovnom održavanju, mi smo uspjeli da kažem da stabilizujemo stanje otprilike za nekih dan i po do dva. Da su bili prohodni putevi u svim mjesnim zajednicama. Naravno nije to bilo bajno stanje jer nije bilo ni moguće u ovom periodu kada su bile silne padavine. Kada za pola sata toliko napada snijeg kao da nije ralica ni prolazila. Da nisam bio na terenu iskreno i sve to gledao svojim očima možda ne bih ni vjerovao. Prođe ralica, ja se vratim za pola sata odem do Kosove, dok se vratim kao da niko nije ni prolazio. Ja bih također pohvalio i radnike i Komunalnog koji su pored ovog kao što je Šefka rekla pored dionica puteva koji su i potpisali ugovor i plaćeni, potrudili su se da održavaju druge puteve. Mi smo u ovom periodu nakon što su padavine stale, probijamo i druge alternativne puteve u našim mjesnim zajednicama. Objavili smo na stranici Općine puteve koji su u ugovoru, iz razloga što smo dobijali fotografije, video snimke određenih ulica za koje ja ne znam u nekoj mjesnoj zajednici na Bijeloj Ploči da li je to ta ulica koja je navedena da bi znali tačno koji je to dio. Mislim da nam svima treba biti i neki strateški fokus i plan da pokušamo ubaciti maksimalno ulice i sporedne u mjesnim zajednicama gdje žive ljudi, naravno ne treba nikom pred kuću, ima i Odluka koja je vezana za to. Također, ono što se pokazalo kao štetno jeste i Odluka koja se odnosi na održavanje drveća pored puta, ta Odluka već postoji dugi niz godina. Mi naravno i kao Vijeće ne vršimo represiju na građane, ne kažnjavamo što ne održavaju, onda to pravi probleme mehanizaciju i održavanje da krenu na određenu lokaciju i potrebno im je 15-20 minuta da sklone ta drveća. Da smo redovno održavali ne bi imali taj problem. To je otprilike to, ja se zahvaljujem svima koji su učestvovali. Inicijativa za izmjenu kablovaza elektrodistribuciju to nije naša nadležnost mi smo imali danas sastanak sa njihovim predstavnicima i tu su višestruki problemi, jedan od ovih koje je navodio i kolega Samir jeste da je 5 m predviđeno da se krči, međutim padne drvo koje je udaljeno 15-20 metrara. Bilo je strašnih stvarno situacija na terenu i onda je nemoguće to iskrčiti toliku širinu. Niko neće ni iz šumarije, niko ne bi dozvolio da na takav način se djeluje. Pored toga imaju i određene mjesne zajednice koje imaju problem sa preopterećenjem njihovih postojećih stanica i onda u ovom periodu zimskom, obzirom da smo i neke nove navike uvodimo i toplotne pumpe i druge potrošače dođe do preoterećenja i jednostavno i da nema snijega niti išta ukoliko uključite par grijalica u kucći izbači sistem. To je sada da radi elektro mi smo danas imali sastanak, primjetio sam da su spremni da investiraju na području općine Maglaj, ja ću svakao učiniti sve što ono što je u domenu Općine da im pomognemo u tom procesu, da im olakšamo određene procedure, kako bi naši građani dobili što kvalitetniju sulugu. Kao što sam rekao mi nismo u nadležnosti ali sve ono što pomaže našim građanima, i što im stvara poteškoće mi ćemo se truditi da im pomognemo, da ovo poboljšamo.

Predsjedavajuća Aida Bašić: Hvala načelniče. Da li ima više vijećnika za diskusiju? Ukoliko nema zatvaram raspravu i konstatujem da Informaciju primamo k znanju.

ZAKLJUČAK

16.1. Prima se k znanju Informacija o stanju za dane 23, 24, 25 i 26.12.2024. godine.

Predsjedavajuća Aida Bašić: Nakon što smo iscrpili predloženi Dnevni red, prelazimo na vijećnička pitanja i inicijative. Vijećnik Abudrahmanović.

Vijećnik Adis Abudrahmanović: S obzirom, da je proteklih 7 dana tokom obilnih padavina snijega došlo do dužeg prekida u napajanju električnom energijom gotovo cijele općine Maglaj sa izraženim problemom na sjeveru i jugu općine. Da i danas imamo dijelove općine bez struje, da su direktne i indirektno štete velike za privredu i građane ima li odgovornosti ko će namiriti nastalu štetu? Pokrećem inicijativu da se sa Elektroprivredom BH odmah dogovore mjere za prevazilaženje svih nedostataka koji su uočeni kroz ovo nevrijeme. Da se uradi trajno rješenje za napajanje električnom energijom novošeherskog kraja i urede odnosi Elektroprivrede BiH i Elektroprivrede HZHB, da se napajanje sjevernog dijela općine Maglaj Misurići, Oručje, Ravna, Moševac, Kosova tokom građevinske sezone u 2025 godini uradi podzemna mreža i da se uputi inicijativa Elektroprivredi BiH za oslobađanje plaćanja računa za decembar mjesec za sve građane koji su imali prekid napajanja električnom energijom više od 3 dana. Hvala.

Predsjedavajuća Aida Bašić: Hvala, vijećnik Serhatlić.

Vijećnik Nesib Serhatlić: Ja imam kao vijećnik PDA-a u Općinskom vijeću Maglaj podnosim vijećničko pitanje/inicijativu prema Općinskom načelniku kojom od Općinskog načelnika tražim da se uputi pismo pritužbe odnosno urgencije prema predsjedniku Općinskog suda Zavidović zbog nerada ili lošeg rada ZK ureda u Maglaju sa zahtjevom da se hitno poduzmu aktivnosti kako bi se rad ZK ureda u Maglaju doveo u normalno funkcionisanje. Obrazloženje, u martu 2024.godine rukovodilac ZK UREDA U Maglaju gospođa Džemka Mujanović otišla je na trudničko bolovanje. Ostala je da radi jedna uposlenica koja nije osposobljena da radi složenije poslove, osim izdavanja ZK izvadaka. Niti jedna upis u zemljišne knjige nije se radio od marta 2024. godine. Jedna radnica počela je da radi prije 20-tak dana, međutim i to nije dovoljno jer se nakupilo toliko predmeta da se rješavaju predmeti iz 2023.godine. Ovo je veliki udar na funkcionisanje privrede u Maglaju i uopće života građana Maglaja, koji imaju potrebe za uslugama ZK ureda u Maglaju. Rukovodilac ZK ureda gospođa Zemka Mujanović dolazi sa porodijskog odsustva u martu 2025. godine, kada bi se stanje trebalo popraviti. Međutim, ne možemo čekati tu susitaciju, nego se moraju poduzeti aktivnosti, kako bi se sustigli i riješili nagomilani predmeti unazad godinu dana.

Predsjedavajuća Aida Bašić: Hvala, vijećnik Obralić izvolite.

Vijećnik Adin Obralić: U ime Kluba vijećnika SDP-a Maglaj ovim putem podnosim vijećničku inicijativu koja glasi, inicijativa za rekonstrukciju Bosanske ulice od kružnog toka do spoja sa Viteškom ulicom. Bosanska ulica je jedna od ulica koja u periodu poslije agresije na Bosnu i Hercegovinu i općinu Magaj nikad nije rekonstruisana. Naime, u smaom periodu agresije pretpjela je znatna oštećenja uslijed granatiranja, a do izgradnje ulice 1.Marta bila je najprometnija ulica u gradu kopjom su prolazili autobusi i kamioni. Svo vrijeme su se radile sanacije oštećenja i popravke udarnih rupa. Nakon poplava 20147. godine došlo je do začepljenja postojećih odvodnih cijevi, te prilikom i najmnjih padavina na cesti se skupljaju velike količine vode i mulja kojeautoobili prilikom prlaska kroz ulicu nabacuju na kuće, ograde, garaže, cvjetnjake i voćnjake stanara pri čemu su konstatno izloženi oštećenju imovine. Ovim putem podnosim inicijativu da se u Budžetu za 2025. godinu izdvoje sredstva za rekonstrukciju Bosanske ulice.

Predsjedavajuća Aida Bašić: Hvala Obralić, vijećnik Mehinagić.

Vijećnik Eldin Mehinagić: Ja se izvinjavam pošto nisam ništa pismeno donio ali sam zamoljen od strane ljudi dobrovoljnih davaoca krvi da vide kome će se obratiti samo, ko je nadležan da Ljudi kažu pošto invalidi imaju obezbjeđena invalidska parking mjesta i da je zakonom kažnjivo ako parkirate na njihovo mjesto eto ljudi su, ima ljudi koji po 50-60 x daju krv, zamolili su da budu oslobođeni plaćanja parkinga. Sad bih postavio mislim pitao sam ja dvije osobe još prvo Vijeće, to se odnosi sada na čitavo dakle na kolege vijećnike, pa mi je neću imenovati osoba rekla ako te nije

strah pitaj pa ja imao običaj malo evo pred Novu godinu je neka se narod malo i nasmije, ja se u životu uvijek smao dvoje bojim dragog Allaha i žene, više nikog. Bilo bi fer i ja mislim pošto imaju ljudi ovdje koji obavaljaju namaze pa da se u vrijeme namaza napravi jedna pauza u Vijeću od 15 minuta ja mislim da bi se to kolege složile. To je to.

Predsjedavajuća Aida Bašić: Hvala lijepo. Vijećnik Mešić izvolite.

Vijećnik Mirza Mešić: Podnosim inicijativu jednu koja se odnosi na unaprjeđenje infrastrukture izgradnja trotoara i biciklističke staze na dionici M 17 koja prolazi kroz općinu Maglaj. Želim da napomenem prije nego pročitam obrazloženje da nadležnost na ovoj dionici je Ceste Federacije BiH i ja to ovdje nisam naveo, također želim da napomenem da sam slično nešto slao već u prethodnom periodu gdje su odgovorili da je nadležna lokalna zajednica, iz tog razloga sma ovo upututio na loklanu zajednicu jer je potrebna prvo dokumentaicju, odnosno projekat je potreban da se može, da s eide u tom smjeru. Obrazloženje je sljedeće, magistralni put, M17 koji prolazi kroz općinu Maglaj, predstavlja jednu od najprometniji saobraćajnica u BiH. Trenutno stanje infrastrukture na ovoj dionici ne dozovoljava osnovne standarde sigurnosti za pješake i bicikliste. Nedostatak trotoara i biciklističkih staza direktno ugrožava sigurnost građana, posebno u zonama gusto naseljenih mjesta i školskih objekata. Uvođenjem odgovarajuće infrastrukture za pješake i bicikliste poboljšali bismo sigurnost u saobraćaju, smanjili broj saobraćajnih nezgoda i podstakli korištenje održivih oblika transporta, što bi doprinjelo kvalitetu života građana i očuvanju životne sredine. Cilj ove inicijative jeste da se poveća sigurnostučesnika u saobraćaju, da se podrži promocija zdravog života i smanji zagađenje zraka, te da se izvrši povezivanje naseljenih mjesta unutar općine Maglaj sigurnom infrastrukturom za pješake i bicikliste. Izgradnja trotoara i biciklističke staze na dionici M 17 koja prolazi kroz općinu Maglaj predstavlja strateški prioritet. Kroz ovu inicijativu nećemo samo poboljšati svakodnevni život građana, nego ćemo osigurati i njihovu sigurnost i doprinjeti razvoju lokalne zajednice. Pozivam Općinsko vijeće i Općinskog načelnika da ovu inicijativu uključe u planove općinskog razvoja i da se za realizaciju projekta osiguraju sredstva iz Budžeta Općine i drugih niova vlasti.

Predsjedavajuća Aida Bašić: Hvala Mešić, vijećnik Bašić.

Vijećnik Damir Bašić: Radi se o vijećničkoj inicijativi za pokretanje rekonstrukcije ulice to jeste sokak. Radi s eo ulici između ulice Ilijasa Smajlagića i Obalske, kod parkinga općine i suda. U ovom dijelu grada ima oko 15-tak kuća, a kojima je prijeko potrebna pomoć. Naime, prva kiša odmah napravi problem prilaska kućama(u prilogu slike), potrebno je uraditi odvod oborinskih voda, zatim i samu ulicu koja je puna rupa. Postavljeni kontejneri također stvaraju velike probleme, gdje se donosi smeće iz ostalih ulica. Potrebno je naći rješenje kako se ne bi u centru grada širio neugodan miris, a najviše ljudima koji tu žive. Odatle će prolaziti i šetnica a i obalo utvrda, te bi bilo potrebno prije samih radova uraditi i ovu ulicu, koja bi olakšala građanima neometan prilaz kućama. Molim vas da ovu inicijativu uzmete u razmatranje prilikom kreiranja Budžeta za 2025. godinu.

Predsjedavajuća Aida Bašić: Hvala lijepo. Vijećnica Hadžić izvolite.

Vijećnica Aida Hadžić: Ja bih da postavim vijećničko pitanje vezano za objekat silosa starog koji se nalazi u blizini željezničke stanice, počeo je da se urušava i opasnot je za građane. Da li možemo dobiti informaciju o statusu, šta se može uraditi po tom pitanju da vidimo ko je u vlasništvu toga da počnemo rješavati ako je moguće.

Predsjedavajuća Aida Bašić: Hvala lijepo. Da li ima više vijećnika koji žele podnijeti vijećničku inicijativu, ukoliko nema konstatujem i zatvaram 2.redovnu sjednicu Općinskog vijeća Maglaj u 20,13 sati.

Sjednica zaključena u 21,00 sati.

Zapisničar

Elza Gračić Skejić



